



07209

古文奇賞卷之十五

大唐三藏聖教序

唐太宗

序聖教始君父故唐一代文字類此者甚衆文亦工好而發皇文公輩又交口非之不知何也並錄以觀真世

蓋聞二儀有像顯覆載以含生四時無形潛寒暑以化物是以窺天鑑地庸愚皆識其端明陰洞陽賢哲罕窮其數然而天地苞乎陰陽而易識者以其有像也陰陽處乎天地而難窮者以其無形也故知像顯可徵雖愚不惑形潛莫覩在智猶迷況乎佛道崇虛乘幽控寂弘濟萬品典御上加舉威靈而無上抑神力而無下大之則彌於宇宙細之則攝於毫釐無滅

古文奇賞 卷十五

一

無生歷千劫而不古若隱若顯運百福而長今妙道凝玄道之莫知其際法流湛寂挹之莫測其源故知蠢蠢凡愚區區庸鄙收其旨趣能無疑惑者哉然則大教之興基乎西土騰漢廷而皎夢照東域而流慈昔者分形分跡之昔言未馳而成化當常現常之世民仰德而知遵及乎晦影歸真遷儀越世金容掩色不鏡三千之卷麗象開圖空端四八之相于是微言廣被拯含類於三途遺訓遐宣導羣生於十地然而真教難仰莫能一其指歸曲學易遵邪正於焉殺亂所以空有之論或習俗而是非大小之乘乍泐時而



隆替有玄裝法師者法門之領袖也幼懷貞敏早悟  
三空之心長契神情先苞四忍之行松風水月未足  
比其清華仙露明珠誰能方其勝潤故以智通無累  
神測未形超六塵而迥出隻千古而無對疑心內境  
悲止法之陵遲栖慮玄門慨深文之訛謬思欲分條  
櫛理廣彼前聞截僞續真開茲後學是以翹心淨土  
法遊西域乘危遠邁杖策孤征積雪晨飛途開尖地  
驚砂夕起空外迷天萬里山川撥煙霞而造影百重  
寒暑躡霜雨而前蹤誠重勞輕求深欲遠周遊西宇  
十有七年窮歷道邦詢求正教雙林八水味道餐風  
志文奇賞 卷十五

鹿苑驚峰瞻奇仰異承至言於先聖受真教于上賢  
探覽妙門精窮奧業一乘五律之道馳驟于心此八  
藏三篋之文波濤下口海爰自所歷之國總將三藏  
要文凡六百五十七部譯布中夏宣揚勝業引慈雲  
於西極注法雨于東垂聖教歟而復合蒼生罪而還  
福濕火宅之乾餒共拔迷途朗愛水之昏波同臻彼  
岸是知惡因業墜善以緣昇昇墜之端惟人所託譬  
夫桂生高嶺玄露方得其花蓮出綠波飛塵不能  
汙其葉非蓮性自潔而桂質本貞良由所附者高則  
微物不能累所憑者淨則濁類不能沾夫以卉木無

知猶資善而成善。況乎人倫有識，不緣慶而求慶。方  
龔茲經流將日月而無窮，斯福遐敷與乾坤而未大。  
朕才謝珪璋，言慚博達。至於內典，尤所未聞。昨製序  
文，深爲鄙拙。唯恐穢翰墨於金簡，標瓦礫於珠林。忽  
得來書，謬承褒讚。撫躬自省，慚悚交并。勞師等遠遵  
深以爲媿。

高宗三藏聖教序云：極空有之精微，體生滅之機  
要。詞茂道曠，尋之者不究其源；文顯義幽，履之者  
莫測其際。故知聖慈所被，業無善而不臻；妙化所  
敷，緣無惡而不翦。開法網之綱紀，弘六度之正教。

拯羣有之塗炭，啟三藏之秘扃。是以名無翼而長  
飛，道無根而未固。道名流慶歷遠，古而鎮常；尅感  
應身，經塵劫而不朽。晨鐘夕梵，交二音於鷲峰；慧  
日法流，轉雙輪於鹿苑。排空寶蓋，隨翔雲以共飛。  
莊野春林，與天花而合彩；引大海之法流，洗塵勞  
而不竭。傳智燈之長燄，皎幽闇而恒明。自非久植  
勝緣，何以顯揚斯旨。所謂法相常住，齊三光之明  
我皇福臻，同二儀之固伏。見御製衆經論序，照古  
騰今理。合金石之聲文，抱風雲之潤。

其君如此，其臣何尤。贊皇發憤，昌黎太息。

六馬圖贊

其一曰拳毛騶黃馬黑喙平劉黑闥時所乘前中六  
箭背三箭贊曰月精按轡天駟橫行弧矢載戢氛埃  
廓清其二曰什伐赤純赤色平世充建德時乘前中  
四箭背中一箭贊曰漚澗未靜斧鉞伸威朱汗騁足  
青旌凱歸其三曰白蹄烏純黑色四蹄俱白平薛仁  
果時所乘贊曰倚天長劍追風駿足聳轡平隴回鞍  
定蜀其四曰特勒驃黃白色喙微黑色平宋金剛時  
所乘贊曰應策騰空承聲半漢入險摧敵乘危濟難  
其五曰颯路紫紫騶平東都時所乘前中一箭贊

古文奇賞

卷十五

四

曰紫騶超躍骨騰神駿氣讐三川威凌八陣其六曰  
青騶蒼白雜色平竇建德時所乘前中五箭贊曰足  
輕雪影神發天機策茲飛練定我戎衣

元學士王暉跋云物之賢否一定論其遇不遇可  
也昭陵六馬天降毛龍授之英主俾翦隋亂及其  
成功琢石爲像題真以贊用傳不朽何其幸也宜  
其聲華氣燄上與房駟爭光故潼關之役備體流  
汗又何神哉如昭烈之的盧冉閔之朱龍名雖存  
而形何見焉

唐故邢國公李密墓誌銘

魏徵

有蒸何不平之氣而  
望璋澤矣  
述亦一體

觀夫天造草昧之初。有聖經綸之始。原逐鹿而猶走。瞻鳥飛而未定。必有異人間出。命世挺生。負問鼎之雄圖。鬱拔山之壯氣。控御英傑。鞭撻區宇。志逸風馳。勢傾海嶽。或一丸請封函谷。或八千以割鴻溝。夏殷資以興亡。楚漢由其輕重。懋功墮乎既立。奇策敗於垂成。仰龍門以摧鱗。望天池而墜翼。求之前載。豈代有其人者哉。公諱密。字玄邃。隴西成紀人。自種德降祖弘道。垂風導碧海之長瀾。踈閬峰之遙構。家傳餘慶。明哲繼軌。諭文德則弼諧舜禹。語武功則經綸秦。古文奇賞 卷十五 五

漢其餘。令望且公。且侯垂翠綬。拖鳴玉者。蓋亦耆舊。未能盡傳。良史莫能詳載矣。曾祖弼。周太師上柱國。

衛公祖耀。周太保魏公父寬。隋上柱國大將軍涼州。

總管蒲山郡公。並匡周之美。呂望愧其嘉謀。平吳之。

功。杜預慙其遠畧。公渥洼龍種。丹穴鳳雛。降列象之。

玄精。稟成形之秀氣。雲生五色。一日千里。起家左親。

衛府東宮千牛備身。趨馳武帳。暉映廊廡。出入龍樓。

光生道路。隋文帝精華已竭。義不斷恩。始開凌長之。

源。將致覆宗之禍。公見幾而作謝病言。歸優游經史。

每明藏用風塵。靡雜賓友。簡通交必一肯之。俊談必。

霸王之畧尚書令景武公楊素崖岸峻峙天資宏亮

壁立于仍直上萬尋嗣關西之孔子追陝東之姬旦

深謀遠鑿獨步當時公年甫弱冠時人未許景武一

見風神稱其傑出乃命諸子從而友焉並結以始終

之期申以歿生之分暨有隋二世肆虐黔首三象霧

塞五嶽塵飛妖災所臻匪惟血落星隕怨讟所慟寧

止石言鬼哭轍迹遍于天下徭戍窮于海外冤冤塞

宇宙白骨蔽原野墳壠發掘城郭丘墟萬里蕭條人

煙斷絕公與楚公叶契共拯橫流未息溟海之波幾

及昆岡之火亡自道中竄身草澤奮臂大呼群雄嚮

古文音賞 卷十五

起豹變梁楚鳳翔鞏洛據敖庾而塞轅轅登太行而

臨白馬九服諸侯四方豪傑或跨州連郡或稱帝國

王合從締交爭亡秦族者莫不驅茲青犢背彼黑山

擊長轂以雷奔望高旗而電集不期而會者以百千

數遂大開幕府肇啟霸圖敷七德以宣威掩八紘而

取俊鱗羽畢萃草澤無遺於是發人文以化之播仁

義以乘之應時機以鼓之總羣策以決之九野風馳

六合雷駭彈壓趙燕震驚江漢世充甚昆陽之敗煬

帝同望夷之禍化及師殲於黎陽建德稽顙於河朔

七國之地四為我有五都之所三在域中胡騎千羣

長戟百萬飲馬則河洛可竭。作氣則嵩華自飛。近無不懷遠無不肅。聲溢寰宇威懾華夷。屬人神乏主以天下爲己任。荒喬佇來蘇之望。遺黎有息肩之所。雖寔下民伊賴。然非上帝所臨。壯志展於人謀。雄圖屈於天命。始先鳴於大樹。終垂翅於羣孽。乃眷西顧。舉茲東夏。載驅周道。來謁承明。帝曰念功降茲休命。上柱國邢國公拜光祿卿公。雖威未振。主自爲謀。蓋當世舊部先附。多出其右。故吏後來。或居其上。懷魚陽之憤。憤耻從吳耿後列。同淮陰之怏怏。羞與絳灌爲伍。負其智勇。頗不自安。俄屬元帥秦王經營灑洛。亦

古文奇賞 卷十五

七

親承秘策。率卒先行。旣出雞鳴之關。方次休牛之寨。詔命施號。更盡嘉謀。公想雲夢之僞遊。慮青衣之誇

反。心辭魏闕之下志。在江湖之上。慕范蠡之高蹈。追

赤松之遠遊。熊耳峰危。羊腸徑險。降吳不可歸蜀。無

路短兵旣接。修途已窮。陰陵失道。詎展拔山之力。騶

馬不逝。徒切虞兮之歌。臨陣喪元。時年三十有七。故

吏上柱國黎陽總管曹國公徐世勣等表請收葬。有

詔許焉。體質貞明。機神警悟。五行一覽。半面十年。雅

善書劍。尤精文史。輕一夫之勇。學萬人之敵。至于三

令五申之法。七縱七擒之功。出天入地之奇。拔幟擁

沙之策莫不動如神化應變無窮負縱橫之才遇風  
雲之會望紫氣以驥首凌扶搖而振翮總不召之衆  
問獨夫之罪從我如流三分將二遂有囊括四海之  
志併吞六合之心既而神器有歸朝宗天闕率從義  
之旅為勤王之師更望重自疑功高是懼將遠遊以  
逃難翻窮途而及禍惜乎高鳥未盡良弓遽折敵國  
猶梗謀臣已喪天子過細柳以興嗟聞鼓鞞而軫慮  
雅重事人之節方申詔葬之禮粵以武德二年某月  
日葬于黎陽山西南五里之平原禮也故吏徐世勣  
等或同嬰世網共涉艱難感意氣于一言託風雲于

古文奇賞 卷十五

千載所恨並發唐代不列元凱之功俱為漢臣獨漏

山河之誓是以慟深樂布悲甚向雄慮陵谷之推移

勒斯銘于泉戶庶使神遊楚國無慙項羽之臣竟往

齊都不愧田橫之冢

得土多嘔血

郗元貞以城降世元密將杜才幹憾其背受訂一名密家已所

四為生

為盛彭師所擊

留奉

名密家已所

王勣者有父母無朋友自爲之字曰無功焉或問之箕踞不對蓋以有道於已無功於時也不讀書自達理不知榮辱不計利害起家以祿位歷數職而一進階才高位下免責而已矣天子不知公卿不識四十五十而無聞焉於是退歸以酒德遊於鄉里往往賣卜時時著書行若無所之坐若無所據鄉人未有達其意也嘗耕東臯世號東臯子身歿之日自爲銘焉

日  
有唐逸人太原王勣若頑若愚似矯似激院止三徑。

古文奇賞

卷十五

九

堂唯四壁不知節制焉有親戚以生爲附贅懸癰以歿爲決癰潰癰無思無慮何去何從隴頭刻石馬鬣裁封哀哀孝子空對長松

世人乞銘往往綜括一生至數千言而猶以爲未盡嚴子陵云買菜乎求益也此銘寥寥數言而平生皎然矣○嘗云醒不亂行醉不干物如是豈無朋友

祭處士仲長子光文

歲月日隣人王勣謹以魚醴之奠致祭仲長先生之靈曰明道若珠進道若退鳥飛知還龍亢必悔嗟嗟夫子理融其內不伎不求無憎無愛古人有言微妙

玄通藏用以密養正以蒙嗟嗟夫子允執其中不見其始孰知其終蕩蕩心跡悠悠默語周覽人事退居河清何去何從誰弄誰與聊同聚散亦均寒暑大矣夫子其生若浮至矣夫子其死若休鄉黨不懼朋友不憂素琴猶在黃經尚留老萊不婚梁鴻難偶筵無饋奠室無箕帚嗟嗟夫子豈圖其後金玉滿堂莫爲之守凡我故人素服臨旛葛巾從窆桐棺以遷墳不易隴坎不及泉苟無怛化於我問天道性既喪仁義鋒起祭非古也禮之爲始吾從其俗敢告夫子清樽薄奠神其歆止

古文奇賞 卷十五

十一

仲長子光者亦隱者也無妻子結廬北渚凡三十年非其力不食績愛其真從與相近子光瘖未當交語與對酌酒歡甚

文甚宕素雅稱其人

答刺史杜松之書

月日博士陳龕至奉處分借家禮并帙封送至請領也又承欲相招講禮聞命驚笑不能已已豈明公前眷或徒與下走相知不熟也下走意疎體放抑有由焉兼弃俗遺名爲日久矣淵明對酒非復禮義能拘叔夜攜琴唯以煙霞自適登山臨水逸矣忘歸談虛

語玄忽焉終夜僻居南渚昔來北山兄弟以俗外相  
期鄉閭以狂生見待歌去來之作不覺情親詠招飲  
之詩惟憂句盡帷天席地友月交風新年則柏葉爲  
尊仲秋則菊花盈把羅舍宅內自有幽蘭數叢孫楚  
庭前空對長松一樹高吟朗嘯挈搯提壺直與同志  
者爲羣不知老之將至欲令復整理簪履修束精神  
枵讓邦君之門低昂刺史之坐遠談糟粕近弃醇醪  
必不能矣亦將恐芻狗貽夢社櫟見嘲去矣君侯無  
落吾事

負苓者傳

古文奇賞 卷十五

十一

昔者文中子講道于白牛之谿弟子捧書北面環堂  
成列講罷程生薛生退省于松下語及周易薛收嘆  
曰不及伏羲氏乎何辭之多也俄而有負苓者皤皤  
然委擔而息曰吾子何歎也薛生曰突何爲者而徵  
我歎負苓者曰夫麗朱者丹附墨者黑蓋纒漸而得  
之也今吾子所服者道而猶有歎是六腑五臟不能  
無受也吾是以問生曰收聞之師易者道之蘊也伏  
羲氏畫八卦而文王係之不逮省久矣以爲文王病  
也吾是以歎負苓者曰文王焉病伏羲氏病甚者也  
昔者伏羲氏未畫卦也三才其不立乎四序其不行

乎百物其不生乎萬象其不森乎何營營乎而費畫也。自伏羲氏洩道之密。漏神之幾。分張太和。磔裂元氣。使天下之智者詭道逆出。曰我善言象而識物情。陰陽相磨。遠近相取。作爲剛柔同異之說。以駭人志。於是知者不知。而太朴散矣。則伏羲氏始兆亂者安得。羸歎而差文王負其苓。而行追而問之。居與姓名不答。文中子聞之曰。隱者也。

古文奇賞 卷十五



不答文中子問之曰。隱者也。

得藏茂而差文王負其苓。而行追而問之。居與姓名不答。文中子聞之曰。隱者也。陰陽相磨。遠近相取。作爲剛柔同異之說。以駭人志。於是知者不知。而太朴散矣。則伏羲氏始兆亂者安得。羸歎而差文王負其苓。而行追而問之。居與姓名不答。文中子聞之曰。隱者也。

陸淳云有  
陶公之去  
職言不從  
遂有阮氏  
之憂  
行  
不遺物

妙判

疑

君姓王氏諱勣字無功太原祁人也。君性簡放飲酒  
至數斗不醉常云恨不逢劉伶與開戶轟飲因著醉  
鄉記及五斗先生傳以類酒德頌云雅善鼓琴加減  
舊弄作山水操為知音者所賞高情勝氣獨步當時  
及為正字端簪理芻非其好也以疾罷乞署外職除  
揚州六合縣丞君篤于酒德頗妨職務時天下亂藩  
部法嚴屢被勘劾君歎曰羅網高懸去將安所遂出  
所受俸錢積于縣城門前託以風疾輕舟夜遁隋季  
版蕩客遊河北去還龍門武德中詔徵以前揚州六  
古文奇賞 卷十五 十三

合縣丞待詔門下省時省官例日給良醞三升君第  
七弟靜為武皇千牛謂日待詔可樂否君曰吾待詔  
祿俸殊為蕭瑟但良醞三升差可戀爾待詔江國公

又醞菜蕪○光醞好菜

君之故人也聞之曰三升良醞未足以絆王先生判  
日給王待詔一斗時人號為斗酒學士貞觀初以足

疾罷歸欲定長往之計而困于貧貞觀中以家貧赴  
選時太樂有府史焦革家善醞酒冠絕當時君苦求

為大樂丞選司以非士職不授君再三請曰此中有

如雲得風利少○紫張

深意且土庶清濁天下所安不聞莊周避漆園老聃  
耻柱下卒授焉數月而焦革歿妻袁氏時送美酒歲

此一滿文  
李送歸林  
下却好

人有微于  
我感無忘

之也其杜  
康乎

餘袁又歎曰天乃不令吾飽美酒遂挂冠歸田  
自是太樂丞為清流君後追述焦革酒經一卷其術  
精悉兼採杜康儀狄已來善為酒人為酒譜一卷太  
史令李淳風見而悅之曰王君可謂酒家之南薰君  
歷職皆以好酒鄉里或吟之因著無心子以喻志河  
汾中先有渚田十數頃稱良沃鄰渚又有隱士仲長  
子光服食養性君重其貞素顧與相近遂結廬河渚  
縱意琴酒慶弔禮絕十有餘年河渚東南隅有連沙  
磬石地頗顯敞君子其側遂為杜康立廟歲時致祭  
以焦革配焉貞觀中京兆杜松之清河崔公善繼為

古文奇賞 卷十五

本州刺史皆請與君相見君曰奈何悉欲坐召嚴君  
平竟不見崔杜高君調趣卒不敢屈但歲時贈以美  
酒鹿脯詩書往來不絕君又葛巾聯牛躬耕東臬每  
著書自稱東臬子晚歲醉飲無節鄉人或諫止之則  
笑曰汝輩不解理正當然或乘牛駕驢出入郊郭止  
宿酒店動經歲月往往題咏作詩好事者錄之諷咏  
並傳于代貞觀十八年終于家

世一耕雲

蓋聞天地作極不能遷，否泰之期，川岳薦靈不能改。  
窮通之數，豈非賢聖同業存乎？我者所謂才榮辱異，  
流牽乎彼者，所謂命是以龍驤鳳翥，一作時伊周成翊贊之  
功，含糗羹藜，顏冉困栖遲之病，或先號而後笑，或始  
吉而終凶，事不可量，功未必定。則知洪濤未接長鯨，  
多陸歎之憂，曾風未翔大鵬，有雲傾之執地，鱗井鮒  
亦將鼓鱗而輕之，田鳩埜鸚亦將騫翻而舞之。及其  
衝溟渤，接扶搖，吹波則江漢倒騰，氣則虹蜺掩摩，赤  
岸負蒼天，然後知其力焉。吁！韓信之無津也，昌亭之

古文奇賞 卷十五

十五

一。餓夫耳。馬卿之失路也，臨叩之一。食客耳。武不足  
以服衆，文不足以動時。長劍屈於無知，洪筆淪於不  
用。洎乎雄圖躡運，至尊納背水之謀，麗藻昇朝，天子  
賞凌雲之作，威加海岳，聲振廊廟。彼淮陰之俠少，成  
都之遺老也。又焉能知遠近哉？是以鑿物於肇，不於  
成。賞士於窮，不於達。是知卜和之得王也，精存於岸。  
谷之間，張華之得劍也，氣發於星辰之際。夫豈琢磨  
成器，然後知其寶，剗斷爲能，然後知其用哉？仰惟鄉  
耆等，並玉山高，族金堤勝，侶列子弟子，干城耀衣冠，  
於百代。或以風雲去國，公孫躍馬之年，鐘鼎從王，諸

登州善志

寺碑山川

隱嶼空傳

鷲嶺之基

濯莽蕭條

亦復驚林

之樹

函閩害物

更逢真聖

之期并絡

星辰重集

會昌之運

秋水銀塘

影數中軒

之斐

六月雄圖

擊長波而

未遠

薛羅八事

空餘江海

之心華札

神交尚有

祥雲之氣

葛攀龍之目門庭相接雕甍將綺棟連陳機杼相和

鳳攝將虬梭交響金玉饌食客三千綠幘青裳家

僅數百冲襟眇識人多江漢之靈麗藻華文代有雲

泉之氣北齊開敞南館靈閒詩酒同歸琴書合契忘

機得意耻嵇阮之交疎虛席筵賓恨原嘗之客少實

煙霞之藪澤風月之津梁乎劉仲文之遠識不以乾

沒詣梁城閔仲叔之高風不以口腹累安邑雖其已

沒生氣猶存况乎屬宇宙之明當天下之泰不能俯

拾青紫高視縉紳攀北極而謁帝王入南宮而取卿

相脅肩側足求哀鐘釜之間低首俛眉取濟斗升之

古文奇賞 卷十五 十六

未嗟乎誠下官所以仰天漢而鬱怫臨江山而慷慨

者也但時可以未遇道可以未行志願可以未成功

業可以未就古之才足以輔王業躡跡屠釣之間功

可以濟巨川藏身版築之下百里奚之負販陳湯之

丐貸而况於庸者哉此僕所以駿奔于顧盼之餘自

致于恩光之末也且夫精誠所感尚動神明意氣相

交豈慙車馬儻能投心季子遙存素紵之恩援手應

侯先立綿袍之贈豈人之情也能無報平方今白藏

紹序朱律謝期天高而林埜竦候肅而江山靜輕蟬

送夏驚晚吹於風園旅雁乘秋動宵吟于露渚絲續

梓州浮圖

碑仙娥去

薄游絲載飄寓淹昔歡躡相仍憂虞自積陟梁鴻之

而忘歸實

憂辭星板

玄璫而未

烟霞四面

閣山千里

宅鄉寓日

玄焉復幾

翠

梓嶺浮圖

碑柱濃鶯

凡用長雁

翠

成于南畝梳黍被于東阡時計有儲願履多福下官

薄游絲載飄寓淹昔歡躡相仍憂虞自積陟梁鴻之

峻岳何暇長謠臨阮籍之長途唯知慟哭庶憑調給

以濟漂危輕訴短懷佇流嘉耗

而法其二

蜀都廣鎮岷墟與壤山分玉宇水向金陵景貺有期

英霸間出榮問休暢幸甚幸甚夫神有可逼淥波驚

亡柱之音道有可符玄霜扣九鐘之節豈道窮經秘

妙聽管於無聲理實杳冥玄應通於不測波流柱響

波無人柱之音霜落鐘鳴霜非扣鐘之具矣況乎言

古文奇賞 卷十五 十七

忘意得臭味相求目擊道存神明已接鄭僑之逢吳

札無味殊方阮籍之對嵇康自然同志僕雖不敏嘗

從事於斯矣常謂薰蕕不共器臬鸞不比翼是以類

乎方者接風雲於千里垂乎類者起山川于一面抑

嘗聳之士之生也其跡可擯而道不可藏其身可辱

而志不可奪其有拂衣投臂遁形滄海之隅裂裳裹

足獨立高山之頂量腹而食度身而衣以鐘鼎為芻

豢以衣冠為縲纆方欲策鸞鳳而撫需英鞭虹蜺而

采煙液其次排玉闕指金門成賈誼之謨樹終軍之

策因機入務懷素將相之門沐露霑霜擁篲公侯之

室然則拾青紫于旦暮取功名于俄頃演文物而動寰中騰聲名而振天下若百官者可謂慙二途矣而歛手長揖強顏高視低心於蹇躓之辰忍耻於栖遑之日者哉渭濱畱釣鷹揚之業未萌淄源滯收鴻漸一作收之資益寡及其攀穹運接靈期乘雲雷而清入極和陰陽而調萬品則知冥機所運吉凶于倏忽之間玄命所移飛伏于斯須之際以日月自至聊復爾耳方今炎颺謝節爽候開辰風高而宇宙清霜下而亭郊肅歸雲止雁流曙響于東津落照開虹寫晴規於北岸螢疎夕砌蟬促朝林感序緣情故豐竒賞僕一違

古文竒賞 卷十五

秦隴再革炎涼戒征軸而無因指歸途而有倦故鄉超曠層山重復吳宮尚遠頻驚去鷺之心楚峽猶賒已下聞猿之淚徒以風猷未隔道義相存幸承知己之心稍緩它鄉之思作意昔者虞公再見縣光白壁之前季布一言猶定黃金之諾况乎交已成于杵臼道已茂於金蘭希照窮途遠流嘉貺若使恩裁口復空甯安邑之賓惠闕終始取恨昌亭之客

益州夫子廟碑記

述夫帝車南指道七曜於中階華蓋西臨藏五雲於太甲雖復星辰蕩越三元之軌躅可尋雷雨沸騰六

氣之經綸有序。然則撫銅渾而觀變化。則萬象之動  
 不足多也。握瑤鏡而臨事業。則萬機之湊不足大也。  
 故知功有所服。龜龍不能謝鱗介之尊。器有所歸。江  
 漢不能竊朝宗之柄。是以朱陽登而九有照。紫泉清  
 而萬物覩。粵若皇靈草昧。風飄受河洛之圖。帝象權  
 輿。雲鳳錫乾坤之瑞。高辛堯舜氏沒。大夏殷周氏作。  
 達其變。遂成天下之文。極其數。遂定天下之象。衣冠  
 度律。隨鼎器而重光。玉帛謳謠。反宗禋而大備。洎乎  
 三川失御。九服蒙塵。鉞豆喪而玉澤竭。鐘鼓衰而頌  
 聲寢。邵陵高會。諸侯輕。漢水之威。踐土同盟。天子窘

古文奇賞 卷十五

河陽之召。三徽制度。乘戰道而橫流。千載英華。與王  
 風而掃地。大業不可以遂絕。由是河洛兆朕。素玉開  
 受命之符。天地氤氳。玄聖舉乘時之策。典九圍之廢  
 典。振六合之頽綱。有道存焉。斯文備矣。夫子姓孔氏  
 諱丘。字仲尼。魯國鄒人也。帝天乙之靈苗。宋微子之  
 洪緒。自玄禽翦夏。浮寶玉於南巢。白馬朝周。戴旌旗  
 於北面。五遷神器。琮璜高列。帝之祭。三命雄圖。鐘鼎  
 冠承家之禮。商丘誕睿。下屬於防山。泗水載靈。遙馳  
 於汶上。禮樂由其委輸。人儀所以來蘇。排禍亂而構  
 乾元。掃荒屯而樹真宰。聖人之大業也。若乃承百王

之不遲。總千聖之殊姿。人靈昭有作之期。岳瀆降非常之表。珠衡王斗。徵象緯於天經。贊像龍尊。集風雲於地紀。亦猶三階。敬丹恒星。知太紫之密。入桂衡霄。羣嶺辨中黃之宅。聖人之至象也。若乃順時而動。用晦而明。紆聖哲於常師。混波流於下閭。太陽亭午。收燭火於丹衡。滄海浮天。控涓涓於翠渚。西周捧袂。仙公留紫氣之書。東海摳衣。劉子斂青雲之袂。接輿非聖。詢去就於狂歌。童子何知。屈炎涼於詭問。聖人之降跡也。若乃參神揆誦。鍊道和倪。辱太白於中郊。絆乘黃於下邑。湛亡爲之跡。而衆務同并。馳不言之化。

古文奇賞 卷十五

二十

而羣方取則。雖復霓旌羽旆。齊人張夾谷之威。八佾三雍。桓氏逼公宮之制。洎乎歷階而造。宣武備而斬。俳優推義而行。肅刑書而誅正。卵用能使四方知。舉爭歸舊好之田。三家變色。願執陪臣之祖。聖人之成務也。若乃乘機動用。歷聘棲遑。神經幽顯。志大宇宙。東西南北。推心於暴亂之朝。恭儉溫良。授手于危亡之國。道之將行也。命道之將廢也。命歸齊去魯。發浩歎於衰周。厄宋圍陳。奏悲歌于下蔡。聖人之救時也。若乃篋籠六藝。筮簧五典。抑旋洙泗之間。探蹟唐虞之際。三千弟子。攀睿化而升堂。七十門人。奉洪規而

入室從師定禮憲章知損益之源。反魯裁詩雅頌得  
絃歌之首。備物而存道。下學而上達。援神敘教。降赤  
製于南宮。運斗陳經。動玄符於北洛。聖人之立教也。  
若乃觀象設教。三百八十四爻。四十有九。窮神知化。  
應萬二千五百五十有五。成變化而行鬼神。觀陰陽  
而倚天地。以鼓天下之動。以定天下之疑。索衆妙於  
重玄。纂群微於太素。聖人之讚易也。若乃霑襟不測。  
睿視亡涯。石柝昭集。隼之施土。缶驗積羊之井。嵇山  
南望。識皓骨于封禺。蠡澤東浮。考丹華於夢渚。麟圖  
鑿遠。金編題佐漢之符。鳳德鈎深。玉策筮亡秦之兆。

古文奇賞 卷十五

二十一

聖人之觀化也。時義遠矣。能事畢矣。然後拂衣方外。  
脫屣人間。奠楹興夕夢之災。負杖起晨歌之跡。撓虹  
梁于大廈。物莫能宗。摧日觀於魯丘。吾將安仰。明均  
兩曜不能遷。代謝之期。序合四時。不能革盈虛之數。  
適來夫子時也。適去夫子順也。爲而不存。用而不窮。  
五教遠而微言絕。十哲喪而大義乖。九師爭大易之  
門。五傳列春秋之幅。六體分於楚晉。四始派于齊韓。  
淹中之妙鍵不迫。稷下之高風代起。百家騰躍。攀戶  
牖而同歸。萬匠驅馳。仰陶鈞而共貫。猶使絲簧金石。  
長懸闕里之堂。荆棘蓬蒿。不入昌平之墓。聖人之遺

在蜀志中  
得觀此奇  
文雅稱其  
山川若梓

州靈瑞寺  
福會寺碑  
癸率寺通  
泉縣寺益  
州善宗寺  
諸碑記皆  
奇文也惜  
不能盡錄

風也遵揚十聖光被六虛乘素履而保安貞垂黃裳  
而獲元吉故能貴而無位履端於太極之翻高而無  
名布政於皇王之首千秋所不能易百代所不能移  
萬乘資以興衰四海由其輕重雖復質文交映瞻論  
祀而長存金火遞遷奉琴書而罔絕蓋易曰觀乎人  
文以化成天下又云聖人以神道設教而萬物服焉  
豈古之聰明睿知神武而不殺者夫

彭州九隴縣龍懷寺碑

粵若真元混沌抱一氣於天門象化童蒙搆三霧於  
地戶由是金機逆順山河假成器之因玉燭浮沉風

古文奇賞 卷十五

火兆流行之孽縣大明於日月適至泉宮設巨浸於  
雲雷終迷燬宅太極所以散而為雨洪飈所以吹而  
為萬雖復甲高異列俱沉方內之遊全集橫流共失  
寰中之契豈夫涅盤深視不肯色以求真般若長驅  
每乘空而得靜則知一名同出陰陽為破道之墟萬  
象皆空天地即降魔之境莫見其俯仰不知其去就  
至自於太虛復歸於無物其有建言立德開業成務  
播大柄而推造化執洪鑪而誥元始四門幽闢顧非  
相而遲迴三駕晨嚴臨有為而出頓豈不知羈孤遠  
路終嬰旅泊之虞舟楫中流未釋波濤之苦將以宅

心者宗。虛室所以合符。應物者神。明鏡由其不掩。故能商確宇宙。指麾權實。演羣生而非其力。存庶品而非其有。千樂閉景。似居蓬艾之間。雙闕臨空。若在江湖之上。其釋迦之冲。用乎龍懷山者。井絡之所交會。岷隅之所控帶。攢峰北走。吐香嶂於玄霄。巨壑南馳。歎洪濤於赤岸。香城寶地。左右林泉。碧岫丹岑。往來煙霧。時有法會。禪師者俗姓。褚氏吳郡錢唐人也。金章錫美。河陰傳九命之尊。王鉉乘榮。江左受三台之貴。地靈人傑。自朝莖而重光。學府支宗。冠南都而獨秀。法師紫星降彩。紅雲授氣。應積善於高門。契冥緣

於累世果。浮觴引潛圖。彼岸之功。聚礫延砂。卽振爲山之業。靈樞密運。闢仁路而長鳴。慧刃高揮。斬邪闢而洞照。以爲冥機。體化毫髮。莫滯其真。執數逐微。乾坤不容其筭。于是四禪幽觀。破銅堞而出。無明三昧。雄圖排鐵圍而泯。非相法雲自在。吐納龍宮。賢聖不仁。奔馳象域。將使三千塔廟。知真實之玄津。萬億幡幢。入虛空之祕藏。安心樂土。遁影霽關。以開皇元年。憩嶺霧。墟福地。已被神功。玉勝金繩。未光朝命。蜀王秀以文昭建國。帝子尊征仗。巴服之尊名。裂印荒之寶命。形躡僭帝。蹕萬騎於銅梁。阜蓋圖王。警千乘於

玉宇鏡山南望志狹彭渝錦水西浮吐朝江漢開寶  
沉之壁壘嘯京叔之風塵擁龜堞而託殊方憑爵堂  
爾傲天子威權所制勝兵數十州雄視所臨經塗五  
千里三英賦雪瞻秋月於梁臺八叟吹風傳朝雲於  
楚館思弘正法廣召名僧振錫雲趨乘盃霧合禪師  
括囊泉石韜跡煙霞攀紫桂而同塵守青蓮而向晦  
衝颺蕩岳寧移忍地之靈烈火焚山不撓堅林之色  
王心有悟時加優禮順風拜道封山謝失發進財於  
廣內揆仙室於重幽因嶂爲壁憑崖列戶以開皇五  
年始賜額爲龍懷寺地鄰縣左遂均縣上之恩山似

古文奇賞

卷十五

二十四

龍盤卽建龍懷之刹爾其崇巒經行如縈迴高丘  
洩雲長林翳日增瓊垣於下麓揆瑤構於中岩香闕  
神行珍臺妙立玉蚪銜靄絕游氣而負蒼天金鳳連  
甍排烈風而瞰玄圃延綠房於累巘上拂霞莊蔓丹  
闕於重磯下披泉戶陽開陰闔變霜露於旋迴蠖動  
端飛起雷霆於指顧玉堂朝巨影襲長虹珠殿宵浮  
光含列宿禪師歿後爰有孝恭法師智開法師弘響  
法師寶積闍黎四上人者並禪師之上足而法門之  
領袖也五明衢路控引情宮八解源流朝宗性海其  
爲寶投白玉于嶄岩亡礙居貞得玄珠于罔象住

持真界。栖息妙塗。俱探寂滅之源。各證菩提之域。雖業定人境。照已極於無方。而道寄生。成功遂。單於有相。演中乘之奧。議增上棟之宏。規萬拱不騫。千門有闢。俄而帝隋大法。皇家小違。天地閉而賢人隱。雲雷屯而巨寶衰。毒龍橫霧。四天沉闇。逆之悲。醉象驅風。三界溺崩。離之酷。上人慧機幽暗。定識潛融。知佛日之恒明。審王風之尚靜。芝歌商岳。袞雞嶺而同歸。茅菴磻磳。與猴江而共致。遁俗無悶。因特待。口滄丹陵。啟秋赤縣。居尊。迦維授手。波旬革面。十千天子。新朝帝釋之宮。八萬仙人。始向毘邪之國。一音演而荒景。

服三聖澄而禮樂備。由是巴方舊彥。蜀城遺老。仰慈門而知戶。墉叩福田而喜耕鑿。雕鞍繡轄。瞻鸞。而馳寬。黼帶。紆裾。指鸚林而驚。款寶瓶。宵注潤。浹堯。旬王。柄晨。麾風。調舜。曆咸。以爲假。沉其性。迷生安。視聽之功。動亂其心。窮子失肌膚之戀。江連巫峽。始紆心猿。山對禺同。終維意馬。貞觀年中。積閣黎等。乃昭遺趾。發揮精舍。容成校曆。列日用於天。經諒首。陳章筭神。功於地。籙迴廊。窳窳。自吐風。颺列榭。崢嶸。坐舍雲。雨。圖竭宮之妙質。儼盧舍之真容。寶珠周。耿銀。龕備色。逸多垂足。似。臨。兜。率之天師。利分身若。赴維摩之。

境。霧。仙。可。接。藻。會。亡。施。真。應。南。微。雕。鑄。有。寄。若。乃。巡。  
積。坦。歷。森。沉。天。花。照。而。高。月。落。地。籟。驚。而。幽。泉。思。紫。  
蘭。香。疑徑。香。侵。拍。葉。之。鑪。綠。艸。紋。茵。影。入。芙。蓉。之。座。

真。童。鳳。策。卽。踐。金。沙。仙。女。鸞。衣。還。窺。石。鏡。巖。莊。轉。梵。  
杳。冥。松。桂。之。墟。礪。戶。栖。檉。索。莫。藤。蘿。之。院。法。鼓。奏。而。  
寒。山。曠。溪。鐘。鳴。而。曉。壑。靜。潁。苔。翠。蘇。具。不。盡。之。靈。衣。  
石。乳。瓊。漿。入。無。生。之。妙。鑊。肅。肅。焉。遙。遙。焉。信。調。御。之。  
珠。庭。而。列。真。之。甲。第。也。爰。有。上。座。玄。鑒。法。師。等。並。六。  
塵。無。我。四。諦。非。它。奉。乾。越。之。微。言。守。楞。伽。之。奧。府。法。  
雷。前。吼。鼓。動。風。煙。慧。日。揚。明。照。臨。丘。壑。青。溪。坐。定。得。

古文奇賞 卷十五

二十六

心。宅。之。恒。靈。丹。洞。行。忘。覺。身。城。之。每。化。須。彌。不。動。迥。  
鎮。閭。浮。閣。岵。安。居。下。觀。忉。利。開。四。生。之。廣。路。敘。六。趣。  
之。彝。倫。足。以。尊。揚。真。績。恭。宜。來。命。者。矣。縣。令。柳。公。諱。  
明。獻。字。太。初。河。東。人。也。太。玄。降。氣。中。黃。授。彩。襲。周。宣。  
之。榮。基。吐。河。汾。之。靈。液。四。科。高。第。振。風。翻。於。三。冬。萬。  
室。崇。班。躅。雲。駟。於。百。里。旣。而。政。成。黎。頌。道。洽。吐。謳。假。  
無。上。之。幽。筌。毗。不。言。之。景。化。絃。歌。在。韻。將。寶。偈。而。齊。  
歸。銅。墨。成。章。與。梵。天。而。共。貫。瓊。波。湛。淡。沃。蕩。雲。霓。珠。  
灌。蕭。條。蔽。虧。煙。雨。貞。機。罕。應。良。談。放。好。事。之。遊。朗。調。  
多。奇。高。賞。盡。名。山。之。曲。下。走。東。臯。事。失。南。州。塗。窮。歎。

孔席之栖。進笑揚岐之浩蕩。薄遊茲邑。喜見高人。三  
接而定。槩鑄七縱。而擒風月。林宗有道。相期清濁之  
間。平叔能言。見許天人之際。從容冥語。契闊卽懷。欣  
性情之同冥。感形體之共遣。雖禪都妙域。已挂於忘  
言。而義塾文場。竊申於知己。敢作頌曰。  
妙象無倪。神功有涉。湛淡名器。崩騰事業。慧路翹車。  
禪河。艤楫。控引羣品。輪迴庶劫。縱橫宇宙。反覆山川。  
言因境立。道寄形詮。爰稽福地。式揆珍田。丹溪漏日。  
碧洞。栖煙。閣都玉檻。須彌石室。榛灌溟濛。風雲蕭瑟。  
辟容乃眷。禪徒有謚。葉磴三休。花巖一作岩四密。崇巒架殿。  
壘嶂營樓。千楣鳳起。萬拱鸞浮。星開紺髮。月湛青眸。  
神宮不夜。邃宇長秋。戶臨重嶂。窗分絕嶺。半迥香浮。  
中天梵警。窟林聖迹。龍泉佛影。烏思山空。後悲峽靜。  
森森巨柏。落落長松。月出東岫。霞生北峰。山人自狎。  
埜老相逢。白雲屢斷。青溪幾重。彭澤之令。臨邛之客。  
比得一作五山藪。重規泉石。法宇成言。慈門致役。穠稂吏。  
隱薜蘿。心跡五生。擾擾與道。皇皇殷勤。頌味惆悵。津  
梁投功。翠碣助化。玄場百年之後。苔蘚蒼蒼。

遊山廟寺序

吾之有生二十載矣。雅厭城闕。酷嗜江海。常學仙經。

涉道記。知軒冕可以理隔。鸞鳳可以術待。而事親  
多衣食之虞。登朝有聲利之迫。清識滯於煩城。仙骨  
摧於俗境。嗚呼。阮籍意疎。嵇康體放。有自來矣。常恐  
運促風火。身非金石。遂令林壑交喪。煙霞版蕩。此僕  
所以懷泉塗而揣恐。臨山河而歎息者也。粵以勝友  
良暇。相與游於玄武。西山廟。蓋蜀郡二靈峰也。山東  
有道君廟。古者相傳以名焉。爾其丹壑褰倚。玄崖糾  
合。俯臨萬仞。平視重玄。乘杳冥之絕境。屬芬華之暮  
節。玉房跨霄而懸。居瓊臺出雲而高。峙亦有埜獸羣  
狎。山鶯互轉。崇杉埒巨柏。爭陰積瀨。與幽湍合響。聊  
古文奇賞 卷十五 二十八

聊焉逸逸焉。王孫何以不歸。羽人何以長遙。其玄都  
紫微之事邪。方歛手鐘鼎。息肩岩石。絕視聽於寰中。  
置形骸于度外。不其然乎。豈預乎斯者。濟陰鹿弘亂  
安陽。邵令遠耳。盍詩以言志。不以韻數裁焉。

競渡序

唐駱賓王

皆其得意  
何殊灑沙  
攝白熬波  
出素積雪  
中春飛霜  
暑路

夏。日。江。干。駕。言。臨。眺。于。時。桂。舟。始。汎。蘭。棹。初。游。鼓。吹。  
咽。江。山。綺。羅。蔽。雲。日。嫵。媚。舞。袖。向。綠。水。以。頻。低。飄。颺。  
誦。聲。得。清。風。而。更。遠。是。以。臨。波。笑。臉。艷。出。浦。之。輕。道。  
映。渚。蛾。眉。麗。穿。波。之。半。月。靚。救。舊。飾。此。日。增。奇。絃。管。  
相。催。茲。辰。特。妙。能。使。洛。川。迴。雪。猶。賦。陳。思。巫。嶺。行。雲。  
博。稱。宋。王。凡。諸。好。事。請。各。賦。詩。

冒雨尋菊序

白。帝。徂。秋。黃。金。勝。友。辭。塵。成。契。冒。雨。相。邀。問。涼。燠。則。  
鴻。雁。在。天。敘。交。游。則。芝。蘭。滿。室。砌。花。舒。菊。還。同。載。酒。

古文奇賞

卷十

二十九

之。園。峴。葉。低。松。直。泛。維。舟。之。浦。參。差。遠。岫。斷。雲。將。楚。  
鶴。俱。飛。滴。瀝。空。庭。竹。響。共。雨。聲。相。亂。抑。折。巾。於。書。閣。  
行。閱。飄。楚。挹。雅。步。於。琴。臺。坐。聞。流。水。字。中。科。斗。競。落。  
文。河。筆。下。蛟。龍。爭。投。學。海。珠。簾。映。水。風。生。曳。露。之。濤。  
錦。石。封。泥。苔。濕。印。龜。之。峴。泛。蘭。英。於。戶。牖。應。接。雞。談。  
下。木。葉。於。中。池。廚。烹。楚。雁。墜。白。花。於。濕。桂。落。紫。蒂。於。  
疎。藤。雖。物。序。足。悲。而。人。風。可。愛。畱。姓。名。於。金。谷。不。謝。  
季。倫。混。心。迹。於。玉。山。無。慙。叔。夜。云。

爲徐敬業以武后臨朝移諸郡縣檄

僞。周。武。氏。者。性。非。和。順。地。實。寒。微。昔。充。太。宗。下。陳。曾。

以更衣入侍。洎乎晚節，穢亂春宮，潛隱先帝之私陰。圖後房之嬖入門，見嫉蛾眉，不肯讓人，掩袖工讒。狐媚偏能惑主，踐元后于輦翟，陷吾君于聚麀。加以虺蜴爲心，豺狼成性，近狎邪僻，殘害忠良，殺姊屠兄，弑君鳩母。人神之所同嫉，天地之所不容。猶復包藏禍心，窺竊神器。君之愛子，幽之于別宮，賊之宗盟，委之以重任。嗚呼！霍子孟之不作，朱虛侯之已亡，燕啄皇孫，知漢祚之將盡；龍漦帝后，識夏庭之遽衰。敬業皇唐舊臣，公侯冢子，奉先君之成業，荷本朝之厚恩。宋微子之興悲，良有以也。袁君山之流涕，豈徒然哉！是

古文奇賞 卷十五

用氣憤風雲，志安社稷。因天下之失望，順宇宙之推心，爰舉義旗，以清妖蠱。南連百越，北盡三河，鐵騎成羣，玉軸相接。海陵紅粟，倉儲之積靡窮；江浦黃旗，匡復之功何遠。班聲動而北風起，劍氣衝而南斗平。喑鳴則山岳崩頽，叱咤則風雲變色。以此制敵，何敵不摧。以此圖功，何功不克。公等或居漢地，或叶周親，或膺重寄于話言，或受顧命于宣室，言猶在耳，忠豈忘心。一坏之土，未乾六尺之孤，何託。儻能轉禍爲福，送往事居，共立勤王之圖，無廢大君之命。凡諸爵賞，同指山河。若其眷戀窮城，徘徊岐路，坐昧先幾之兆，必

美人之舌  
烈士之腸

贈後主之誅請看今日之域中竟是誰家之天下  
上兗州啟

側聞未遇孫敷鹽居無絕輪之迹時逢和氏荆山有  
連城之珍豈若聽清音于夔餘則枯桐發響收夜光  
于玄璧則怪石騰輝在物猶然況于含識者矣伏惟  
明使君鳳穴振儀龍門標峻瓊彫岳立表秀于雲霞  
煥霜霏澄虛鑒物既而代工天府忠篤帝心擁熊軾  
而撫百城建隼旗而臨千里坐棠敷惠恩纏去思剖  
竹垂仁式歌來幕清凝夜燭化警晨烏外勗九農內  
弘五教導之以禮樂齊之以刑書約法遵寬設蒲鞭

古文奇賞 卷十五

妙語可對  
龍宮

之耻立言惟信控竹馬之期甘雨隨車雲低輕重之  
蓋珠還合浦波含遠近之星至如臥理稱難坐嘯匪  
易披裳問疾乘愛景以字人褰帷廣聽穆薰風而扇  
物嚴霜秋降叶隼擊而防小人零露春濡飾羔旌而  
禮君子于是仁必有勇義不忍欺美譽鬱于三齊芳  
猷騰于千古若乃清窺遠鏡皎月色于靄臺玄鑒虛  
凝穆風聲于智府研機于篋探牘九流縉翠萼于詞  
林絳鮮花于筆苑文江翻浪織玉漱以韜霞學海驚  
瀾綴珠鱗于濯錦加以懸榻待士擁篲禮賢汲引忘  
疲獎題不倦懷級味道之容望範圍之駿奔兼包流

之夫窺義園以遐集求小善于毫芥顧正禮于二  
龍振幽滯于沙泥許明公于一鸚賓王淹中故俗體  
朴厚之弘規積下遺氓陶禮義之餘化頗遊簡素少  
蘭。縑。緗。每。蟋。蟀。淒。吟。映。素。雪。于。書。帳。莎。雞。振。羽。截。碧。  
蒲。于。翰。林。既。而。學。異。懷。蛟。才。非。夢。鳥。價。不。齊。于。南。漢  
劣。不。重。于。東。山。幸。屬。日。月。光。華。雲。霞。紛。郁。方。結。羨。魚  
之。網。將。謠。叩。角。之。詞。奮。短。翻。于。槍。榆。希。高。標。之。餘。拂  
濯。纖。鱗。于。涓。滴。望。鴻。浪。之。微。霑。所。冀。顧。盼。曲。流。剪。拂  
增。價。則。鉛。刀。有。一。割。之。用。跋。鼈。致。千。里。之。行。是。知。竊  
混。吹。于。齊。竽。濫。飛。聲。于。郢。路。拘。山。雞。而。自。慙。顧。遼。豕  
古。文。奇。賞。卷。十。五。三。十。二

上梁明府啟

某啟往者聞歌薛邑賞彈鋏于馮諼佇駕夷門揖抱  
關于侯子豈惟成風之斷妙思通神流水之絃清音  
入聽况夫志合者蓮心可采情諧者蘭味寧忘伏惟  
公儀天峙構層基控射牛之峰浸地開源驚濤疏鈞  
鼇之浦至夫封侯廟食掩金許以霞褰三主八公  
袁楊而岳立于是功超振鷺位典烹鮮水鏡澄瀾照  
翔鸞之舞影唵琴動操叶馴雉之雅音既而盛德有  
鄰佐皇華而撫俗君子不器扈韜軒以觀風某蒲石

摘遷聲鄉蓬轉不叶十室無專一經拔驥逸而無由  
仰鵬飛而自失公顧盼成飾咳唾爲恩庶微潤于江  
波冀求光于鄰燭使幽禽遷木侶丹山于帝梧鳴石  
在川應黃鐘于仙管敢布心也詎能望焉謹啟

上司列太常伯啟

側聞魯澤祥麟希委質于宣父吳坂逸驥實長鳴于  
孫陽是則所貴在於見知所屈伸乎知己故彫其璞  
嶧山有半灰之桐賞其聲柯亭無末枯之竹伏惟明  
常伯公儀天聳構橫九霄而拓基浸地開源控四紀  
而疏派自赤文薦趾曲阜分帝子之靈紫氣浮仙函

古文奇賞 卷十五

三十三

谷誘真人之秀本枝百代君子萬年道叶神交黃石  
授帝師之略德由天縱白雲降王輔之精峰秀學山  
列三墳而仰止瀾清筆海委九流以朝宗登小魯之  
巖辨練光于曳馬臨大吳之國識寶氣于連牛垂秋  
實于談叢絢春花于詞苑辨河飛箭激斗翻白馬之  
津文江散珠圓波漱驪龍之穴是用德茂麟趾削桐  
葉以分珪道煥鶴池映桃花而曳紱旣而揆畱皇鑒

隨風珠玉

忠簡帝心奉職春官爍離光于青殿代工天府明白  
耀于紫宸綜理玄風燮調元氣含暉禮樂皎愛日以  
流光毓彩文章映德星而開照若乃識度宏遠器宇

能芻其詞  
不能芻其  
理與色

疏通明允篤誠盛業隆于厚土惠和忠肅玄功格于  
上天則伊陟謝其緝熙巫咸慙其保乂舉才應器與  
士無私水鏡澄花炫金波于靈府水壺徹鑿朗玉燭  
于神機則鄧攸莫際其瀾盧毓罕窺其術故使妍媸  
各安其分輕重不失其權五教克敷百揆時敘折衝  
千里魯連談笑之功師表一時郭泰人倫之度加以  
分庭讓士虛席禮賢片善經心揖仲宣于蔡席一言  
合道接然明于鄭階其蓬廬布衣桑樞韋帶自弱齡  
植操本謝聲名中年誓心不期聞達上則執鞭爲士  
王庭希于祿之榮次則奉檄入官私室庶代耕之祿

古文奇賞

卷十五

三四

然而忠不聞于十室學無專于一經退異善藏進殊  
巧宦搏羊角而高翥浩若無津附驥尾以上馳逸焉  
難託實欲投竿垂餌晦幽迹于澗濱抱甕灌園絕心  
機于漢渚幸屬乾坤浩大與觀烏兔光華嵩山動萬  
歲之聲德水應千年之色雖無爲光宅欣預比屋之  
封而有道賤貧耻作歸田之賦于是竭來瓮牖利見  
金門指帝鄉以望雲赴長安而就日美芹之願徒有  
獻于至尊蟠水之姿誰爲容于左右明公決機成務  
論道經那一顧之隆駘足逾于仙鹿片言之事魚目  
軼于靈蛇庶望顧兔維箕動薰風于舜海從龍潤礎

需甘澤于堯雲則鱸餘之魚希振鱗于吳水膳後之豕翻化龜于魯津拜伏階墀增其水谷謹啟

上吏部裴侍郎書

四月一日武功縣主簿駱賓王謹再拜奏書吏部侍郎裴公執事易曰書不盡言言不盡意然則義在乎象非書無以達其微辭隱乎情非言無以筌其旨僕誠鄙人也頗覽前事每讀書見高堂九仞曾輿有北向之悲積粟萬鍾季路有南遊之歎未嘗不廢書輟卷流涕沾衣何者情蓄自衷事符則感形潛于內迹應斯通是用布腹心瀝肝膽庶大雅含弘之量矜小

古文奇賞 卷十五

三十五

人憫款之誠惟君侯察焉賓王一藝罕稱十年不調進寡金張之援退無毛薛之遊亦何嘗獻策于時高談王霸銜才揚已歷詆公卿不汲汲于策名不戚戚于卑位蓋養親之故也豈謀身之道哉不圖君侯忽垂過聽禮以弓招之恩任以書記之事擬人即多懸阮瑀入幕則高謝却超夫聶政荆卿刺客之流也田光豫讓烈士之分也咸以勢利相傾意氣相許尚且捐軀燕趙甘歿齊韓今君侯無求于下官見接以國士當陪歷後殿奉節前驅賈餘勇以求榮效輕生而報施所以遠巡于歲命躊躇于從事者徒以夙遭不

勢利相傾  
一語恐四  
人不暇

造。幼下閔凶。老母在堂常嬰羸恙。藜糗無甘旨之膳。松楸闕遷厝之資。撫弓存亡。何心天地。故寢食夢想。噬指之戀徒深。歲時蒸嘗。崩心之痛罔極。若僕者固名教中一罪人耳。何面目以奉三軍之事乎。況屬天倫之喪。奄踰七月。違膝下之養。忽至三年。而凶服之制將終。哀痛之情未洩。興言永慕。舉目增傷。夫怨于哀者。哀聲可以應木石。感于前者。至性可以通神明。故徐元直指心以求辭。李令伯陳情以窮訴。上以棄興王之佐命。下以全奉親之篤誠。而蜀主不以爲非。晉君待之逾厚。此二人者。豈貪貧賤。惡榮華。厭萬乘。

古文奇賞 卷十五

之交。甘匹夫之辱也。蓋有不得已之者哉。儻有乾沒爲心。脂韋成性。捨慈親之色養。許明公以驅馳。內忘顧復之私。外存傳會之眷。薄骨肉。厚榮寵。苟背恩以自效。則君侯何以處之。且義士期乎貞夫。忠臣出乎孝子。旣不能推心以奉母。亦焉能死節以事人。假物議之。無嫌實。吾斯之未信也。流沙一去。絕塞千里。子愴入塞之寬。母切倚廬之望。就令歡以卒歲。仰南薰之不貴。而更憂能傷人。迫西山而何幾。君侯情深。錫道類切。天經明恕。待人慈心。應物儻矜。犬馬之微。願憫烏烏之私情。寬其負恩。遂其終養。則窮鬼有望。老

母知歸賓王亥罪再拜

與程將軍書

管員半千  
書幽真爲  
虛白之室  
靜默爲大  
玄之門悟  
軒冕是倘  
友知學華  
非力致又  
白桂樹寒  
花公子去  
而志返松  
岩春草王  
孫浩女歸

昨見武郎將備陳將軍之言。恩出非常，談過其實。恭聞嘉惠，深用慚惶。君侯懷管樂之材，當衛霍之任。豐功厚利，盛德在人。送往事居元勳，蓋俗智足以興王業。道足以濟蒼生。尚且屈公侯之尊，伸莞庫之士。若下僕者，天地一無用芻狗矣。粵自旌賁之晨，卽逢聖明之曆。材不經務，不能成佐命之功。智不通時，不能包周氏之慮。加以天資不強，不能屈節。權門地隔，蓬心不能買名。時議常願爲人，由已喪我于吾。見機可

古文奇賞 卷十五

三七

以絕機無用之爲有用。隨時任其舒卷，與物同共。波流者矣。其于木也，魯般無所措其鈎繩。其于駕也，伯樂無所施其銜策。不悟聖朝發明揚之制，君侯緝雍熙之道，曲垂提獎，廣借遊談。猥以樗櫟之姿，忝預賢良之薦。當今鴻都富學，麟閣多英。非游夏不可以升堂，非夔牙不可以擊節。儻使片言失德，事暴區中。匹夫竊議，語流天下。進垂得賢之舉，退貽薄德之議。恐不肖之軀，爲高明之累耳。必能一盼增價，九術先登。燕昭爲市駿之資，郭隗居禮賢之始。則當效駑鈴之用，飾固陋之心。陶鑄堯舜之典，謨憲章文武之道。德

現自柳學

感而且  
文生于情

上以究三才之能事下則通萬物之幽情將使詞翰  
為行已外篇文章是立身岐路耳又何足道哉言而  
不慚者侍惠子之知我也所恨禁門清切造別無緣  
官守牽纏風期有限其尚期辭滿儻乏孤舟萬里煙  
波舉目有江山之恨百齡心事勞生無畧刻之歡嗟  
夫流水不窮浮雲自遠沾襟此別把袂何時侍以平  
生之私志其貴賤之體再拜

古文奇賞 卷十五



流... 樂... 坐... 夫... 宜... 不... 益... 且...

館陶郭公姬薛氏墓誌銘

陳子昂

姬人姓薛氏東明國王金氏之胤也昔金玉有愛子  
別食於薛因爲姓焉世不集無此字與金氏爲姻其高曾  
皆金玉貴臣大人也父承冲有唐高宗時與金仁問

文亦辭考  
阿姑

歸國帝疇厥庸拜左武衛將軍姬人幼有玉色發于  
穠華若彩雲朝升微月宵映也故家人美之少號仙  
子聞羸臺有孔雀鳳凰之事瑤情悅之年十五大將  
軍薨遂剪髮出家將學金仙之道而見寶手菩薩靚  
心六年青蓮不至乃謠曰化雲心兮思淑貞洞寂滅  
兮不見人瑤草芳兮思氛氳將奈何兮青春遂返初

古文奇賞 卷十五

三十九

服而歸我郭公郭公豪蕩而好奇者也雜佩以迎之  
寶琴以友之其相得如青鳥翡翠之婉變矣華繁絕  
歇樂極哀來以長壽二年太歲癸巳二月十七日遇  
疾卒于通泉縣之官舍嗚呼哀哉郭公悅然猶若未  
亡也寶珠以舍之錦衾以舉之故園途遙言歸未迫  
留殯于縣之惠普寺之南園不志貞也銘曰  
高丘之白雲兮願一見之何期哀淑人之未逝滅紺  
園之春時願作青鳥長北翼。鳧鳧來兮遊故國。

別中嶽二三真人序

大愛名山歌長往世有之矣若夫放身霄嶺宴景雲

林卑俗不可得而聞時士不可得而見則吾欲高視  
終古一笑昔人嵩山有二仙自浮丘公王子晉上朝  
玉帝遺跡金壇鳳笙悠悠千載無響吾每以是臨霞  
永慨撫膺增歎常謂煙駕不逢羽人長往去囂世走  
青雲登玉女之峰窺石人之廟見司馬子微馮太和  
霓裳渺然冥壑獨立真朋羽會金漿玉液則有楊仙  
公玄默洞天賈上士幽棲北谷玉笙吹鳳瑤裝駐鶴  
方且迷軒轅之駕期汗漫之遊吾亦何人躬接茲賞  
實欲執青節從白蜺陪飲崑崙之庭觀化玄元之府  
宿心遂矣冥骨甘矣豈知瓊都命淺金籙道微攀倒

古文奇賞 卷十五

四十

景而迷途顧中峰而失路塵縈俗累復泪吾和仙人  
真侶求幽靈契翳青芝而延佇遙會何期折丹桂而  
徘徊遠心空絕紫煙去黃庭極仰寥廓而無光視環  
區而寡色悠悠何往白頭名利之交咄咄誰嗟玄運  
盛衰之感則如楊朱岐路墨子素絲尚平辭家而不  
歸鮑焦抱木而枯茨可以慟可以悲古人之心吾今  
得之矣

不大慟則  
古人之  
心不得

唐睿宗玄真皇帝哀冊文

唐 蘇頌

韓休敘頌  
文集云來  
梓與雲天  
並高繁章  
與震月俱  
亮故能虛  
明獨照壯  
恩雉飛又  
曰洞簫為  
賦方傳漢  
帝之官而  
禪少遺忠  
空留茂蔭  
使下

空留  
禪少  
遺忠  
空留  
茂蔭  
使下

維開元四年歲次景辰六月乙巳朔二十日甲子大

行睿宗大聖玄真皇帝崩于百福殿徙殯于太極殿

之西階粵十月朔某日將遷座于橋陵禮也素帟塞

周青壺警節徽無聲以虛衛陳有象而成列哀子開

元神武皇帝某追攀引繚眇辯司常悽庶物其涕近

感衆靈而影彰睠茲鴻業欽若要道爰制近臣敢揚

大寶其詞曰高祖興唐垂其耿光睿宗誕慶紹我明

命明命伊何重熙累盛耿光伊何翊善傳聖在昔分

瑞爰初剖符宅殿令典居相宏圖宜哲觀藝祗庸服

古文奇賞 卷十五

四十一

儒踐其成式納以嘉謨否歷終泰傾維更紐予從代

王子事周母退象藏密冲襟釋負不為震驚自得謙

受權乃復亨塞而自開固推皇弟仍陟元台鳴牝構

孽紛虹肆災颺馳神武電掃姦回三讓天下載登宸

極順大吐心忘我帝力鞅譯修貢親賢任職樂英已

敷禮緯重繹宗廟率祀郊丘肇禋養而迎夏芟以祈

春靜默沁道和平返淳智周翔沫功濟陶鈞知子惟

明從吾所尚陋伊祈之莫緒追齧缺而將喪帝允執

乎厥中皇遂崇于太上始授圖而觀察終脫屣以清

曠齊必開館朝而別宮問安順色資孝弘風理極兼

有唐一代  
氣象繁于  
此公之手

黃河之水  
天上來

清純明堂

受言承至公。豈綴衣而憑几。忽成鼎而號弓。嗚呼。哀哉。夢年罕驗。願是付囑。屬神器其得所。委靈心其何欲。增摧絕以孺慕。竟厭時以去俗。萬邦赴而同軌。六遂陳而帥屬外羣。悲于縞素中。不瘞于珠玉。蜃輅迎轉。龍慌戒狙。寒生紫殿。曉發清都。笏挽遲遲。而徙靡。旃旌戀戀。以威紆。除櫟陽之御路。指橋嶽之幽途。禮既獻而三撤。神方寧而九虞。遠遊通寇。近嚴歸蹕。因高而渭川盡見。馮下而秦京稍出。積耘艸以橫霜。贊悲松以翳日。嗚呼哀哉。粵義軒之建子。姒兮。令問傳其不已。倚簡冊之尊聖。真兮。鴻名冠而方始。然後景古文奇賞。卷十五。四十二。

大唐封東嶽朝覲頌

封祀之山五在中國。泰嶽首之。昊穹之命。再集巨唐。皇帝受之。臨位十四年。考虞氏歲巡之義。諷周王時邁之什。十月辛酉。步自有洛。十一月景戌。帳殿齋于岳趾。淵默以清繹。思而照將紀功。布度順斗。承天精享也。巳丑。宏觀軼區宇。盛儀振開闢。高臨建鳳。萬隊張皇。以燭山上。御飛龍百神。翕習以扶道。國台二藩。后四髦士。密侍信。臣高位。扈封臺。列升陛。不下五十。

正鋪朱時  
篆寫聖孝  
只四字

以聖言冲邈。瑤牒寶書誓之。旨曰朕獲守丕業。恐不克駿命。惟上帝儲休錫蒼生無疆之慶。朕之慶也。古則秘之何哉。屬寒馳迅。騰露清終。夕若掃若。鋤晏然而已。庚寅天官次錄王制。協時嚴高祖以配之。祀高宗以陟之。冕表立珪璧序潔。疊俎調鐘呂。倨勾于簋簋。戛擊乎祝。敵寶駢瑞兮物焜煌。空薄霄兮音容與。則纖塵不動和氣充塞。日在于觀天爲之門。揚日大光謂小天下昭以抱戴見之。卿黨郁郁紛紛喜氣烟煴。當芝檢引紫熏太紫洞而三辰接鬱蒼搖而萬歲聞自下達上。後吾君君之來兮。望如雲端兮。睟聖之

古文奇賞

卷十五

四十三

門至尊辛卯有事于社。首以泰折如泰壇於穆我睿宗。侑而作主。奠獻鳴咽天子之孝也。僉以金匱歸助于祖。禰石砥藏美于乾坤。戒成秩則司存癸巳載大旂合大樂三駭。嶺以惟抗四亞鏘而輅止朝羣牧揆于官底邦賦數庭實華蟲辨等車馬來覲周人隨人二王之賓戎狄蠻貊萬里重譯必供于著執贊奉璋顯顯昂昂靡敢迨遑乃建雞竽伐鼉鼓帝命出皇恩溥揚與風作解雨施舍之蕩滌之宥法罪除頗頽頽湧洋溢周流黜黜不崇朝而遍者與此山俱疇翳而不拔胡微而不鋪也亦既稱壽申命宗伯咨爾頌焉

燕許大手  
華爲唐文  
首冠公  
之閣爾號  
讀之哉

如山河

效古之刻石臣頽稽首再拜而言曰臣聞昔在帝堯  
臣惟咎繇聰明之謂聖邁種之謂德天若曰依于巨  
唐易姓者李王于中華崇功者唐聖之澤德之浸也  
我唐祚之興昌符誕膺兩儀動六葉承皇帝宣高祖

四宗之景烈肇開元神武之明號廣矣大矣莫有不  
寧罔有不俾咸一德之輔不二心之臣羣后抗詞曰  
臣聞先王因天事天因地事地因名山升中于天陛  
下得天之經得地之義得人之行行也者孝莫大焉  
兼三才以爲政政也者仁莫大焉含萬物以爲性今  
三才貞萬物亨六典平九功成官不涓獄不放至于

古文奇賞 卷十五

四十四

刑清良有以也古者振兵釋旅祠土祈穀先事也我  
是以幸太原祭汾雖耀金甲肅邊鄙虜馬讐而不敢  
南向解嚴京師獲寶鼎獻宗廟戍人歸而盡務東作  
報福京坻於是乎爰佐五時郊天以奉時爰崇九室  
裕祖而敬思昭格遲遲神人允釐無何籍三春盛六  
穗不召斯至擁休之類如山川則委易月而秘始嚴  
鹵簿騰七萃啟禁關廻九重以聽乎鸞聲之雍雍匪  
疾匪徐物有其容動植讚華夷觀駢闐總搏羨漫半  
散出成臯踰滎波馮滑臺眺洪河遂並昆吾之墟倘  
佯乎大舜之澤瀕四瀆二濟入于充徑九一三齊喬

于岱推二旬有六而頓行在莫不鑿鑿華皓如藿傾  
陽或牽以餽或捧之觴偃僕乎康莊一以伸神武之  
今日一以感乾封之舊章迺餽歸之觴舉之慈且惠  
而與之驥沸渭頡頏國鄒魯家洙泗乘汝野而圖  
記可知指泮林而頌聲不墜以周公之故將孔子之  
後翹然希王者之屬車聖人之清蹕則久及信宿之  
應巖巖所瞻宗神曰天齊王加一等于三事戶二十  
供祀環十里禁人樵報也大禋旅之數重褒成之  
祿撫遺趾賜之復帝曰吁夫艱難繫王業休咎牽人  
事况天監之殊祥也殊典也。不自滿而虔鞏于位。朕

古文奇賞 卷十五

寶臣曰乾曜洎說有初有終時乃風欽哉汝作朕左  
右丞相緊汝忠益以嘉猷補袞之闕罔或怠遂弘天  
封煥天章篆介丘而旋德陽大饗乎羣方程後代美  
其律聲其實墳作四而籍言七也臣頌不敏繼伯夷  
之直清微太史之留滯聆金奏同百獸之舞振木鐸  
採萬人之詩敢陳詩以頌曰 天子聖兮天孫崇登  
以封兮報以功受命再惟皇代天之賚人所載士士  
馬山嶭戈矛山沓禎符山雜靈響山答天與人合我  
鋪衍兮長粹清太元冊兮太一精休光光我之慶成  
舜四朝而禹萬國莫之我京

雙白鷹贊 并序

皆從大歷  
聖諭

開元乙卯歲東夷君長白肅春扶餘而貢白鷹一雙  
其一重三斤有四兩其一重三斤有二兩皆皓如練  
色斑若綵章積雪全映飛花碎點所謂金氣之英瑤  
光之精高髻偉臆長距秀頸奮發而銳堅剛則厲摩  
天絕海雷擊颺逝觀其行時令順秋殺指麾應捷顧  
盼餘雄當落鵬之賞茂仇鶴之敵實稀代之尤也皇  
上祇膺聖圖欽若王道方寶賢重穀尊儒食艾後宮  
撤綺繡前殿焚珠玉與皇矣卿士朝夕論思異無所  
貴輕衛公之好鶴音無所珍同漢皇之卻馬吮豈務

古文奇賞 卷十五

四十六

或傲有位  
何必有錢

于馳騁獵以存乎蒐狩未嘗合圍掩羣載羽灑血乃  
強不攫而猛不噬矣然以萬方入貢懷其來也三年  
重譯嘉其至也故仁為之心有仁則勇威為之力有  
威則重况此鳥猛過于衆重倍于凡禮于君則勸忠  
祭于祖則立敬壯其體則用武絳其翼則成文彼寵  
而服之鵠也能果榮而戴之蟬也能絜矧乎職命司  
寇師惟尚文聞箴刺姦擇善為吏蓋選士之是式匪  
從禽之足云此謂備于圖而傲在位也微臣奉制敢  
稱贊曰鷹之大者精明竦峻勁而橫絕雄則遠振  
錦文素綵珠聯玉潤往乃奮威將軍所徇鷹之次者

勇銳光芒截海而至乘風載揚絡以紅點文其綠章  
下鞞必中惟吏之良

書為九州禹

古文音賞

卷十五



通雅 尚文

下鞞必中惟吏之良

玄宗御書故中書令梁國公姚文貞公神道碑

銘

唐張說

張公一代  
文章巨斧  
厚而不濃  
巧而不纖

叙曰八柱承天。高明之位。定四時成歲。亭育之功。存  
畫為九州。禹也。堯享鴻名。播時百穀。棄也。舜稱至德。  
由此言之。知人則哲。非人罔乂。致君堯舜。何代無人。  
有唐元宰。曰梁文貞公者。位為帝之四輔。才為國之  
六。翻言為代之軌。物行為人之師。表蓋維嶽。降神應  
時。間出者也。公諱崇。字元之。姚姓。有虞之後。遠自吳  
興。近徙于陝。今家洛陽焉。烈考長沙文獻公樹勳。王  
室建旗。雋府公統緒。而孤克廣前業。激昂成學。榮問

古文奇賞 卷十五

四十八

日流武庫。則示戟森然。文房則禮樂盡在。弱冠補孝  
敬。挽郎又制舉高第。歷佐濮鄭。並有聲華。入為司刑  
丞。天授之際。獄吏峻密。公持法無頗。全活者眾。進夏  
官員外郎。郎中侍郎。朝廷曰。能遂掌軍國。遷鳳閣侍  
郎。監修國史。兼相王府長史。始則天人讓王。承置禮  
之顧。終以飛龍利見。延叅乘之恩。自時厥後。恒當大  
任。凡三處兵部尚書。三入中書令。二為禮部尚書。左  
庶子。又肅政大夫。總靈武軍兵馬。又司僕卿。知隴右  
監牧。出典亳宋。常越許申。徐潞。楊同。十郡。景雲初。以  
藩邸舊僚。封梁國公。食賦百室。公性仁恕。行簡易。虛

懷汎愛而涇渭不雜真率徑盡而應變無窮常推是  
心以御于物故所蒞必毗庶風偃驚很化從言不勵  
而教成攻不威而事理去思親頌來暮聞歌既登邦  
政卒乘輯睦及在宗伯神人允諧今之中書是爲理  
本謀事兼于百揆論道總于三台公執國之鈞金玉  
王度大渾順序休徵來臻懋德格天名遂身遜拜開  
府儀同三司崇其秩逸其志也開元九年九月寢疾  
薨于東都慈惠里皇上悼焉國人慕焉撫牀輟春會  
未云比制贈揚州大都督謚曰文貞禮也十年二月  
葬于萬安山之南原在疾也王人賜膳御醫視藥于  
藁也中使弔臨羽儀哀送君臣之義厚莫重焉帝乃  
灑恩仙翰鏤澤豐珉日月照臨于佳城雲煙變態于  
神道寶其文字別爲羣玉之山禁其樵蘇卽表三司  
之墓

古文奇賞 卷十五

四九

隴右節度大使贈涼州都督郭公神道碑銘

四。序。平。分。清。秋。之。氣。勁。五。方。異。俗。控。峒。之。人。武。故。隴  
上。多。豪。山。西。出。將。其。有。雲。龍。感。召。星。象。特。生。金。鼓。登  
壇。隱。如。敵。國。麾。幢。指。塞。自。比。長。城。得。之。于。太。原。公。矣  
公諱知運字逢時一門連譽時人號曰三儒四海齊  
謂之八凱積鹵之地戎馬生郊業戰鬪而弘

秀秀可參

每看張公  
起可便見  
大手筆

勳仕州縣而爲達啓莫京之繇福不在于其身積無  
聲之善慶必流于後嗣公太白之精雷泉之靈膺家  
之禎爲國而生身長七尺力能扛鼎臂虎口虬鬚  
鶻。麟。射。穿。七。扎。劍。敵。萬。人。子。卿。路。逢。遙。識。將。軍。之。相。  
唐舉一見足辨封侯之骨解褐以善戰授昭武校尉  
開元二年吐蕃入隴右掠堀牧公兵以奇勝寇不復  
蹤積甲山齊而有餘收馬谷量而奉盡歸功廟筭朝  
議多之拜羽林將軍持節隴右諸州節度大使兼鄯  
州都督河源軍使鎮西郵信國之藩屏坐北落亦王  
之爪牙故入奉期門而出寄分閩執憲總軍典屬乘

古文奇賞

卷十五

五十一

障增爵益邑遇厚恩深俄而六州群胡相率大叛命  
公統隴右之騎濟河曲之師鋒鏑爭先玉石俱碎拜  
左武衛大將軍授一子官金銀器百事雜綵千段班  
師臨洮遘茲虐疾嗟乎匈奴未滅宿志不申生也有  
涯死而猶視蕃夷邊鎮血面摧心悲慘風雲號慟山  
谷豈非良將視人如子人亦視猶父乎皇帝憫焉詔

贈涼州都督米粟五百石錦帛五百段命都水使者  
張景佚備物護葬遵朝典也惟公氣猛而性和量寬  
而精銳沈謀可以掩著蔡雄斷可以奪鬼神故常糟  
拍韜鈴芻狗風角然其樹恩結信立威用武烜赫如

神氣雄踔  
不嫌其盛

壯士之  
心

天然妙句  
不澤六朝  
兼曰其氣  
厚也

蕭蕭易水  
之聲

蘇晉作御  
宴燕國公

筆序癡黑  
山之折齧

清海之六  
雲雨鬚牙

風濤震盪如雷雨戰必克功必取每有奏謁帝持稱  
歎孝文之得魏尚虜不足憂太祖之見郭嘉知成吾  
事前後錫錡衣寶帶文馬素女爛其盈門長鳴在殿  
感知已之主陳必效之力皇情西顧則九美疊鼓詔  
書北伐則六狄焚旗上成聖君之玄鑒下效武臣之  
素節其竟也如此其子咸善居喪而過哀或從王事  
而奪禮則知辛賢父子繼位將軍祭彤弟兄望叅師  
律皇上念功以惜逝厚終以遇存有詔詞人為其碑  
誌介士送葬即封征虜之墳單于入廟當祭度遼之  
墓銘曰 恍恍將軍雄略冠群乎西征北震戎懾德

古文奇賞 卷十五

亭障臥鼓屯田饋軍仗此白刃致彼青雲郭侯宴喜  
既多受祉玄牡馘友青廟蠲祀鼎食金奏炮鼉膾鯉  
既來不庭有嚴天子流沙博望羽林飛騎河曲迴兵  
臨洮舊耻手握金節魂沈玉帳千里送喪三軍悽愴  
詔葬禮崇恩碑義豐生為神將歿為鬼雄身世一滅  
榮華萬空祗連之墓長旌武功

季春下旬詔宴薛王山池序

碧流日煖南山雪殘首獻之浹辰暮春之提日帝京  
形勝借上林而入遊戚里池臺就修竹而開宴泉暉  
御府味給天厨仙倡宥樂中貴督酒太平佳事前史

水蟲裁粟  
日咏魚蓮  
歲陳山廬

未書大矣哉一德日新九功惟叙運璿樞而均四氣  
握金鏡而靜萬方堯舜湯文不違顏于咫尺夔龍伊  
呂共接手于朝廷此則青門上路朱邱平臺城烟屢  
起而泊山野風時來而過水春將悵別愛落花于灑  
途夏如欣會玩峰雲之映沼爾其列筵授几分曹設  
幕艇送江鳧船迎海鶴魚龍九劔曼延揮霍鸞鳳鳴  
蕭鼓作申錫開于百甕慈心出于三爵炮炙熏林塘  
醪醴厭丘壑并急管于無算醉湛恩以取樂群公賦  
詩俾僕題序長卿瘠渴覺含毫之轉遲于雲壯夫見  
雕蟲之都廢

古文奇賞 卷十五

五三

洛州張司馬集序

大家裝束  
無一字棄  
檢無一句  
湊泊

夫言者志之所之文者物之相雜然則心不可蘊故  
發揮以形容辭不可陋故錯綜以潤色萬象鼓舞入  
有名之地五音繁雜出無聲之境非窮神體妙其孰  
能與于此乎洛州司馬張公名希元中山人也族高  
辰象氣壯河山神作銅鉤天開金印孝友內植禮樂  
外滋勵行閨庭鄉人謂之曾子飛名都邑諸儒號曰  
聖童下帷覃思穿牀嗜古蓬山芸觀之書群玉懸金  
之記魯宮藏篆汲冢遺編無不日覽萬言暗識三篋  
博學吞九流之要處盈若虛雄辯敵四海之鋒退藏

于塞漢王問策知帝者之師楚子聞名實諸侯之選  
故得雄飛白簡鷹揚丹筆卷襜帷于天都設鉤距于  
皇州若乃抗埋輪之章執驚馬之議旌賢有通德之  
教疾惡存暑背之文繼軌前途遇物成典理闢刑政  
咸歸故事之臺義涉箴規盡入名臣之奏加以許與  
氣類交遊豪傑仕違夷險身更否泰昔嘗擣戎幽易  
謫居邛鶴亭臯漫漫典去國之悲旗鼓洶洶助從軍  
之樂時復江鷺遷樹隴鷹出雲夢上京之臺沼想故  
山之風月發言而宮商應搖筆而綺繡飛逸勢標起  
寄情新拔靈仙變化星漢昭回感激精微混韶武于

古文音賞 卷十五

五三

金奏天然壯麗絳雲霞于玉樓當代名流翕然崇尚  
自大夫之頌成室太史之賦京都魏則十龍儒雅晉  
則三陽藻綴朝分南北運迄周隋文人才子重世間  
出豈止赫榴體物陳琳得以示人鷄鶴寄辭阮籍稱  
其王佐故以開國籍鱗次乎史傳之首入文塲羽儀  
乎天下之半公增繁榮葉桂林之一枝彌廣源流荆  
江之九派宗門多士斯爲盛與

大唐封禪頌

行○文○如○鼓○元○氣○而○雷○域○中○騰○百○川○而○雨○天○下

善頌哉  
博大雄麗  
皇唐六葉開元神武皇帝再受命致太平乃封岱宗  
禪社首鑿石紀號天文煥發儒臣志美立禡祠壇日

天之贊唐不惟舊矣溥有形而歸景整無外而宅心  
百有八年于茲矣皇帝攘內難而啓新命戴睿宗而  
續舊服宇宙更闢朝廷始位蓋羲軒氏之造皇圖也  
九族敦序百姓昭明萬邦咸和黎人于變立土圭以  
步曆革銅渾以正天蓋唐虞氏之張帝道也天地四  
時六官著禮井田三壤五圻成賦廣九廟以尊祖定  
六律以和神蓋三代之設王制也王公卿士儼然進  
曰休哉陛下孝至于天政合乎道前年祈后土人獲  
大穰間歲紀園丘日不奄朔感祥以祈聖因事以觀  
天天文交合其則不遠意者喬丘埽路望翠華之來

古文奇賞 卷十五

五十四

上帝儲恩俟蒼璧之禮久矣焉可專讓而廢舊勛羣  
臣固言勤帝知罪至于再至于三帝乃挹之曰欽崇  
天道俯率佳話恐德不類敢憚于勤其撰巡狩之儀  
求封禪之故旣而禮官不戒而備軍政不謀而輯天  
姥練日雨師灑道六甲按隊八陣警蹕孟冬仲旬乘  
輿乃出千旗雲引萬戟林行霍濩燐爛飛焰揚精原  
野爲之震動草木爲之風生歷群縣省謠俗問百年  
舉百祀興墜典葦闕政攸徂之人室家相慶萬方縱  
觀千里如堵城邑連歡丘陵聚舞其中垂白之老樂  
過以泣不啻蒿里之魂復見乾封之事堯雲往舜日

還神華靈鬱爛燻乎穹壤之間庶官百辟羗夷蠻貊  
 褒城之後讓王之客序立于禮神之場髦頭弩牙鐵  
 馬金鏃介胄如雪旗幟如火遠市于清禁之野于是  
 乎以天正上元法駕徐進屯于乘于平路雷辟臣于  
 谷口皇帝御六龍陟萬仞獨與一二元老執事之人  
 出天門臨日觀次沈瀆宿巉巖赤霄可接白雲在下  
 庚寅祀高祖于上封以配上帝命衆官于下位以享  
 衆神皇帝冕裘登壇奠獻俯俛叶金奏佾羽舞撞黃  
 鍾歌大呂開閭闔與天語清將信公奉斗布度懋建  
 皇極勤恤蒼生昭嘏乎未兆釀災乎未萌上下傳節

古文奇賞 卷十五

而禮成樂遍福壽同歸而帝賜神策乃檢玉牒于中  
 項揚柴燎于高天庶忠誠之上達若憑焔而駕烟日  
 轡方旋神心餘眷五色雲起拂馬以隨人萬歲山呼  
 從天而至地越翌日尊睿宗侑地祗而禮社首遂張  
 大樂觀東后國風惟舊無黜幽削爵之誅王澤惟新  
 有肯災大賚之慶不浹日至化洽于人心不崇朝景  
 福遍于天下然後藏金匱于祔室迴玉鸞于上都煌  
 煌乎真聖朝之能事而高代之盛節者也于斯之時  
 華戎殊俗異音同歎日兵合多兩山峻多雲豈有大  
 舉百萬之師尅期千里之外及行事之日則天無點

賢地無纖塵嚴冬變為韶景寒風鬱為和氣非至德  
其孰能動天如此其順者乎或曰祭泰圻主先后非  
禮歟曰是禮也非宜也王者父事天母事地侑神崇  
孝無嫌可也且夫柴瘞外事帝王主之蒸嘗內事后  
妃助之是開元正人倫革弊禮起百王之法也故令  
千載職末光聆絕韻咀甘寔漱芳潤爍玄妙之至精  
流不已之淑聲臣說作頌告于神明四皇墳而六帝  
典雖吉甫亦莫能名徒採彼輿人之詩曰大矣哉維  
天為大惟皇則之率我萬國受天之祺子孫百代人  
神共保綏之云爾而已矣

古文奇賞 卷十五

進鬪羊表

志不可挫  
一篇主意

臣某言臣聞勇士冠雞武夫戴鶡推情舉類獲此鬪  
羊遠生越嶲蓄情剛決敵不避強戰不顧歿雖為微  
物志不可挫伏惟陛下選良家于六郡求猛士于四  
方烏無遁材獸不藏伎如蒙効奇靈囿角力天塲却  
鼓怒以作氣前躑躅以奮擊跌若奔雲之交觸碎如  
轉石之相叩裂骨賭勝濺血爭雄敢殺見而衝冠鷲  
很聞而擊節冀將少助明主市駿骨揖怒蛙之意也  
若使羊能言必將曰苦鬪不解立有歿者所賴至仁

嚴公文奇  
絕至此

無殘量力取勸焉臣緣損足未堪履地謹遣男駙馬

都尉均謹詣金闕門陳進輕冒宸嚴伏深戰越  
摹寫鬪羊高邁雋壯後若羊能言云云尤得晏子

東方生俳諫遺意

弔國殤文

獨孤及  
北容文其  
聲如犬其  
聚如蜂其  
人如雲並  
奇調也

北伐兮東胡遯。遼陽兮孤竹。徧師兮覆衆。在崇山兮  
峽谷。露芄芑兮曼草。風蓊蓊兮拱木。見馬血兮夜燃。  
聞殤魂兮雨哭。君王接金鼓而氣憤。撫珠鈴而淚滋。  
橫萬里兮抽恨。弔群山而寫悲。對凶將兮我辱。悼勇  
夫之狄纍。彼前鑒兮未遠。何後來兮不追。對茲地兮  
出陣。臨傷門兮用師。軍奪帥兮虹食壘。車脫腹兮火

古文音賞 卷十五

五十七

焚旗。有樂厲兮懷矣。無范宣兮愧之。命窮。迨兮短。兵  
錯。膚鈍。刃兮血染。鏑旅殘潰兮棄組。練山猶號兮谷  
餘戰。殪原野兮奈何。違君親兮不見。于戲。何天命之  
奄忽。俾仁義之治兵。爲蠻夷之俘骨。酸六枝之飛將。  
鎮五營之勁卒。吾見出兮不歸。噫。名存兮身沒。

東山記

兵部尚書同中書門下三品修文館大學士韋公體  
含真靜思叶幽曠。雖翊亮廊廟而緬懷林藪。東山之  
曲。有別業焉。嵐氣入野。榛烟出俗。石潭竹岸。松齋藥  
碗。虹泉電射。雲木虛吟。恍忽疑夢。間闢忘術。茲所謂

陸龜蒙曰  
齊魂爲愁  
氣超骨化  
魏上

狀雲渡而  
雨駭或花



山東布衣臣某言臣聞明主御宇捨過取能舉材棄  
行烈士抗節勇不避歿見危致命晉用林父豈念過  
乎漢用陳平豈念行乎禽息願身豈惜生乎北郭碎  
首豈愛歿乎向若林父歿陳平棄百里不用晏嬰見  
逐是晉無赤狄之利漢無皇極之尊秦不兼西戎齊  
不霸東海矣臣伏見陳州之史李邕學成師範文堪  
經國剛毅忠烈難不苟免往者張易之弄權人畏其  
口而邕折其角韋氏恃勢言出禍應而邕挫其鋒雖  
身受謫屈終姦謀中損然則邕有大造于我邦家也

古文音賞 卷十五

五九

前宋璟每厚遇者豈以才重抑嘉其忠于國矣今聞  
坐、賊、醜、敗、厥、行、且、斯、人、所、能、者、拯、孤、恤、窮、救、乏、弼、患、  
積、而、能、散、家、無、私、聚、陛、下、下、吏、訊、之、聞、諸、道、路、執、法  
者將極加之以刑噫天之將喪斯文歟在朝夕永辭  
聖代臣聞生無益于國不如殺身以明賢臣願朽材  
輪、轅、無、取、徒、獸、視、禽、息、雖、生、何、爲、况、賢、爲、國、家、之、寶  
社稷之衛若喪國家之寶失社稷之衛哲人云亡國  
將若之何是臣痛惜深矣臣願以六尺之軀甘受膏  
斧以代邕歿臣之歿所謂落一毛邕之生有足照千  
里然臣與邕生平不款臣知有邕邕不知有臣是臣

不逮邕明矣。夫知賢而舉仁也。代人任患義也。臣獲  
 二善而歿。亦不朽。則又何求。陛下若以臣之賤。不  
 足以贖邕。雁門縫掖。有足効矣。伏惟陛下寬邕之生。  
 速臣之歿。令邕率德改行。全林父之功。使臣得明目。  
 黃泉。附北郭之跡。臣之大願畢矣。陛下若以陽和之  
 始。難于用斧鉞。俟天成命。敢忘伏劍。豈煩大刑。然後  
 歸歿。皇天后土。寔鑒臣之心。昔吳楚七國叛。周亞夫  
 得劇孟以爲寇不足憂矣。夫以一賢之能。敵七國之  
 衆。伏惟陛下敷舍垢之道。存棄瑕之義。遠思劇孟。近  
 取李邕。豈惟成愷悌之澤。寔亦歸天地之望。臣先君

古文奇賞

卷十五

六十

孔子曰。鄉人皆惡之。未可也。况夫禮之後。天地更新。  
 捨之復論人。誰無罪。惟明主深思之。臣聞士爲知己  
 者歿。且臣不爲死者所知。而甘于歿者。豈獨爲惜邕  
 之賢。亦成陛下矜能之德。惟明主圖之。臣瑋歿罪歿  
 罪

疏奏邕得減歿貶遵化尉流瑋嶺南

宣州南陵縣大農陂記

唐 韋 瓏

宣部支邑十城而南陵處劇蓋由庶民囂豪物產多  
狀山川圖錯風俗詭浮故理束則民潰攻放則民怠  
俱不得其極自非肅廉和敏措動守中則莫至良能  
况功利及物邪皇帝四年今地官侍郎盧公觀察宣  
部精心厚下重難邑長乃以寧國令順陽范君假南  
陵印爲大夫先時縣有廢陂曰大農積歲不理荒梗  
幽扈丘隰遁形空規殘狀非鄉黨之壽臺不可疑識  
與人飛語他邑病能訾訾囂波翻風合范君獨判  
于心不畏騰口日利于人也使吾獲戾而罹悔真吾

古文音賞 卷十五

六十一

心也且黔愚皆苦于始作而泰于成功况吾君侯明  
吾天子聖尚何懼哉乃召鄉老里正尹而計之三旬  
而畢不戮一人其始也驅江波六十里活活下來關  
荒梗數萬畝汪汪虛明壘石構嶺縱三百步龍盤虎  
鬪橫殺衝波泄流引洫臂發三港支分脉散澤入大  
田厥功既成乃風雨暴鬪洞復換晨旭旭沸會似聞  
構作及乎雨斬雲除則沙洲突出力捍嶺下若自關  
關之初信爲神物所相雖使江河合災驚濤懷山大  
浸崩驅暴猛來敵亦不能軼峻防而侵厚趾斯乃天  
贊其功豈非仁深于物乎其或火雲燹天旱魃爲虐

歌蒸瘴怒蛟龍。遣誅而翠。激捶岬澄瀾。洗月溶溶浩  
浩。獨落天光。順勢導流。猶潤百里。則貫畦浮厖。平歲  
之漑千頃。豈爲多哉。其細也。孕鱗甲之族。育鳧雁之  
群。羅生菰蒲。蔓合菱藻。漁父舟人。浩歌揚櫂。厚生之  
物。永永不極。斯功也。可以灼當世而芳千古矣。昔者  
西門豹治鄴。召公治上蔡。而史氏書美。顯白良能以  
其因水茂功。利澤及物者也。則大農傑跡。功符天作。  
可以論古對能。豈有愧乎。

古文奇賞

卷十五

六十二



唐垂拱四年安撫大使狄仁傑檄告湖州西楚霸王  
項君將校等其略曰鴻名不可以認假神器不可以  
力爭應天者膺樂推之名背時者非見幾之主自祖  
龍御宇橫噬諸侯任趙高以當軸棄蒙恬而齒劔涉  
丘作禍于前望夷覆滅于後七廟墮圯萬姓屠原鳥  
思靜于飛塵魚豈安于沸水赫矣皇漢受命玄穹唐  
赤帝之貞符當四靈之欽運俯張地紐彰鳳紀之祥  
仰緝天綱鬱龍典之兆而君潛遊澤國嘯聚水鄉矜  
扛鼎之雄逞拔山之力莫測天符之所會不知曆數

古文奇賞

卷十五

六十三

之有歸遂奮關中之翼竟垂垓下之翅蓋實由于人  
事焉有屬于天亡雖驅百萬之兵終棄八千之子以  
爲殷監豈不惜哉固當匿息東峰收覓北極豈合虛  
承廟食廣費牲牢仁傑受命方偶循革攸寄今遣焚  
燎祠宇削平臺室使蕙幃銷盡羽帳隨煙君宜速遷  
勿爲人患檄到如律令

卞山楚王神廟梁簡文帝作碑記之湖人舊稱項  
爲卞山王或卞山別有項王碑

梁公此檄氣吞重瞳公却與奪集翠裘同瞻彼視

武嬰直一伏雌耳

韓愈曰自天子至郡邑守長通得祀而循天下者惟社稷與孔子焉

夫子之道消息乎兩儀。夫子之德經營乎三代。豈徒小說。蓋有異聞。夫亭之者莫如天。籍之者莫如地。教之者莫如夫子。且沐其教而不識其道。則不如勿生。荷其藉而不由其德。則不如勿運。故曰消息乎兩儀者也。夫博之者莫如文。約之者莫如禮。行之者莫如夫子。且會其文而不揚其業。則不如勿傳。經其禮而不啓其教。則不如勿學。上代有以焯序。中代有以宗師。後代有以丕訓。故曰經營乎三代者也。噫。唐虞之美。不必至是。贊而大者。進聖君也。夏桀之惡。不必至

古文奇賞 卷十五

又六三

是擠而毀者。激庸君也。伊尹之忠。不必至是。演而數者。勉誠節也。趙盾之逆。不必至是。抑而書者。誅賊臣也。至若論慈。廣孝。輔仁。寵義。職此之由。于是君臣之位。序父子之道。明朋友之事。與夫婦之倫。得雖即日開覺。膏雨潤黷。和風清扇。安足喻哉。借如九皇繼統。而政醇七聖同年。而道合。雖事業廣運。而理齊。一時未有薄遊大夫。僻居下國。德教既往。言滿方來。廟食列邦。不假手于後續。君長萬葉。必歸心于素王。若此之盛。是以騰跨百辟。孤絕一人。曷成名而可稱。蓋取與而爲大者也。

僕自策名仕伍待罪朝列三爲史臣再入東觀竟不能勒成國典貽彼後來者靜言思之其不可有五何者古之國史皆出一家未聞籍功于衆唯漢東觀大集群儒然纂述無主條章靡建由是伯度訝其不實公理以爲可焚今史司取士有倍東京人自爲苟袁家自爲政駿每記一事載一言闕筆相視含毫不斷頭白可期汗青無日一不可也前漢郡國計書先上太史副上丞相後漢公卿所撰先集公府乃上蘭臺故史官載事爲廣今史臣編錄惟自詘采二史不注

古文奇賞 卷十五

六十四

唐時行狀  
尚可疑

起居百家罕通行狀卽仲尼猶且管窺况中材豈能博物二不可也史局通籍禁門幽居九重所以杜顏面防請謁也今館中作者如林皆願長喙無聞辭舌一示褒貶曾未絕口而朝野具知孫盛取嫉權門王韶見讎貴族常人之情不能無畏三不可也古者史氏各有指歸故尚書以疏通知遠爲主春秋以懲惡勸善爲先今史官記注類稟監修或謂尚須直辭或謂宜當隱惡十年九牧其令難行一國三公適從誰在四不可也夫言監者蓋總領之義耳宜明立科條審定區域庶人思自免庶可立成今監者不肯指授

修者又不遵奉。用使爭學苟且務相推避。坐變炎涼。徒延歲月。五不可也。凡此不可。其流實多。雖威以刺骨之刑。最以懸金之賞。終不能得僕。所以屢辭載筆之官。願罷記言之職者。正爲此耳。當今朝號得人。國稱多士。蓬山之下。良直差肩。芸閣之中。英奇接武。僕旣功虧刻鶴。筆未獲麟。徒殫大官之膳。虛索長安之米。乞以本職還其舊居。多謝簡書。請避賢路。唯明公哀而許之。

劉子玄名知幾擢進士第調獲嘉主簿累遷鳳閣舍人兼修國史時宰相韋巨源紀處訥楊再思宗

古文奇賞 卷十五

六十五

楚客蕭至忠皆領兼修子玄病長官多意尚不一而至忠數責論次無功乃奏記求罷去因爲至忠言五不可子玄自爲見用于時而志不遂乃著史通內外四十九篇譏評今古徐堅讀之歎曰爲史氏者宜置此座右也禮部尚書鄭惟忠嘗問自古文士多史才少何耶對曰史有三長才學識世罕兼之故史才少夫有學無才猶愚賈操金不能殖貨有才無學猶巧匠無榱桷斧斤弗能成室善爲必書使驕君賊臣知懼此爲無可加者時以爲篤

史通論書志

宋帝御宇  
元見如幾  
勸其作史  
如韓愈乎  
石乎然是  
亦良史材  
也

事之史類  
而靡登也  
莫善于五  
代六朝矣  
何不若為  
二書莫醜

于宋史前  
元修矣何  
不易以本  
朝

或以為天文藝文雖非漢書所宜取而有廣聞見難為刪削也對曰苟事非其限而越理來書自可觸類而長于何不錄又有要於此者今可得而言焉夫員首方足含靈受氣吉凶形於相貌貴賤彰于國法生人之所欲知也四支六府痲瘵所纏苟詳其孔穴則硬灼無悞此養生之尤急且身名並列親疏自明豈可近昧形骸而遠求辰象既天文有志何不為人形志乎茫茫九州言語各異大漢輜軒之使譯導而通足以驗風俗之不同示皇威之廣被且事當炎運尤

古文奇賞 卷十五

六十六

相關涉爾雅釋物非無往例既藝文有志何不為方言志乎但班固縱孫卿之詞以序刑法探孟軻之語用裁食貨五行出劉向洪範藝文取劉歆七略因人成事其目遂多至若許負相經楊雄方言並當時所重見傳流俗若加以二志幸有其書何獨捨諸深所未曉歷觀衆史諸志列名或前略而後詳或古無而今有雖遞補所闕各自以為工推而論之皆未得其最蓋可以為志者其道有三焉一曰都邑志二曰氏族志三曰方物志何者京邑翼翼四方是則千門萬戶兆庶仰其威神虎踞龍蟠帝王表其尊極兼復土

階、卑、室、好、約、者、所、以、安、人、阿、房、未、央、窮、奢、者、由、其、敗、  
國、此、則、其、惡、可、以、誡、世、其、善、可、以、勸、往、者、也、且、宮、闕、  
制、度、朝、廷、軌、儀、前、王、所、爲、後、王、取、則、故、齊、府、壁、建、誦、  
魏、都、以、立、宮、代、國、初、遷、寫、吳、京、而、樹、闕、故、知、經、始、之、  
義、卜、揆、之、功、經、百、王、而、不、易、無、一、日、而、可、廢、也、至、如、  
兩、漢、之、都、咸、洛、晉、宋、之、宅、金、陵、魏、徙、伊、纏、齊、居、滹、滏、  
隋、氏、二、世、分、置、兩、都、此、並、規、模、宏、遠、名、號、非、一、凡、爲、  
國、史、者、宜、各、撰、都、邑、志、列、於、輿、服、之、上、金、石、草、木、編、  
紵、絲、枲、之、流、鳥、獸、蟲、魚、齒、革、羽、毛、之、類、或、百、蠻、攸、稅、  
或、萬、國、是、供、夏、書、則、編、於、禹、貢、周、書、則、託、於、王、會、亦、

古文奇賞

卷十五

李七

有、圖、形、九、牧、之、鼎、列、狀、四、荒、之、經、觀、之、者、擅、其、博、聞、  
學、之、者、騁、其、多、識、自、漢、氏、拓、境、無、國、不、賓、則、有、邛、竹、  
傳、節、筍、醬、流、味、大、宛、輸、其、善、馬、條、支、致、其、巨、雀、爰、及、  
魏、晉、迄、於、周、隋、咸、亦、遐、邇、來、王、任、土、作、貢、異、物、歸、於、  
計、吏、奇、名、顯、於、職、方、凡、爲、國、史、者、宜、作、撰、方、物、志、列、  
於、食、貨、之、首、帝、王、苗、裔、公、侯、子、孫、餘、慶、所、鍾、百、世、無、  
絕、能、言、吾、祖、郊、子、見、師、於、孔、公、不、識、其、先、籍、談、取、誚、  
於、姬、后、故、周、撰、世、本、式、辨、諸、宗、楚、置、三、閭、寔、掌、王、族、  
逮、乎、晚、葉、譜、學、尤、煩、用、之、於、官、可、以、品、藻、士、庶、施、之、  
於、國、可、以、甄、別、華、夷、自、劉、曹、受、命、雍、豫、爲、宅、世、胄、相、

此言史之粗者耳然以較之符瑞釋老則遠矣

承子孫蕃衍。及永嘉東渡流寓揚越。代氏南遷華夷。從夏於是中朝江右南北混淆。華壤邊民。虜漢楓雜。隋有天下文軌大同。江外山東人物殷奏。其間高門素族非復一家。郡正州都世掌其任。凡為國史者宜各撰氏族志。列於百官之下。蓋自都邑已降。氏族而往。寔為志者所宜先。而諸史竟無其錄。如休文宋籍。廣以符瑞。伯起魏篇。加之釋老。徒以不急為務。曾何足云。惟此數條。粗加商略。得失利害。從可知矣。庶夫後來作者。擇其善者而行之。

古文奇賞 卷十五



此言史之粗者耳然以較之符瑞釋老則遠矣  
承子孫蕃衍。及永嘉東渡流寓揚越。代氏南遷華夷。從夏於是中朝江右南北混淆。華壤邊民。虜漢楓雜。隋有天下文軌大同。江外山東人物殷奏。其間高門素族非復一家。郡正州都世掌其任。凡為國史者宜各撰氏族志。列於百官之下。蓋自都邑已降。氏族而往。寔為志者所宜先。而諸史竟無其錄。如休文宋籍。廣以符瑞。伯起魏篇。加之釋老。徒以不急為務。曾何足云。惟此數條。粗加商略。得失利害。從可知矣。庶夫後來作者。擇其善者而行之。

少室山少姨廟碑

唐 楊 炯

支如黃河之水浩浩湯湯唐文類此記者多對舉一二益覺其綴帶之中自見尊貴

臣聞崑閩西北之天門也。則五帝處其陽陸。三皇居其正地。太山東南之日觀也。則秦皇刻其石銘。漢帝探其玉策。故知建都邑。正方位。畫崇墉。剡澹洫。必憑天地之險。然後四海爲家。擁神休尊。明號協時。月同量衡。必致山川之祠。然後羣神受職。少室山者。山嶽之神秀也。憑河圖而括地。用遁甲而開山。發揮宇宙之精。噴薄陰陽之氣。壁立而千仞。削成而四方。北臨恒碯。猶如聚米。南望荆衡。纔同覆篑。共工觸皇天之八柱。未足擬議。龍伯鈞溟海之三山。無階響像。考于

古文奇賞 卷十五

本九

含神細。白玉猶存。驗于山海經。黃花不落。昔者生于石紐。水土所以致其功。娶于塗山。室家所以成其德。后宗之位。象南宮之一星。外戚之班。比西京之列傳。惟幾不測。其道無方。騁神變而揮霍。降精靈而盼鸞。亦猶蔣侯三妹。青溪之軌跡。可尋。虞帝二妃。湘水之波瀾。未歇。何止祠稱丁婦。廟號滕姑。少女宅于西宮。夫人館于南嶽。山臨白岬。空聞石室之靈。浦對青崖。獨有金臺之異。若斯而已矣。時更魏晉。數歷周隋。四望於是莫修。八神以之無主。炎涼代序。寧觀俎豆之容。霜露霑衣。非復弦歌之地。國家乘天造之草昧。屬

人謀之與能高陽有飛龍之樂。始會八風帝舜有儀  
鳳之音。初調九奏涼風至。司馬于是乎陳兵。太白高  
將軍于是乎宜戰。乘斗杓而誓旅。出星門而杖鉞。莊  
周稱天子之劍。舉之按之。呂望言聖人之兵。如風如  
雨。盧敖之窮觀。六合不出于城。隍陶侃之飛入八門。  
未遊于宮室。寒璿璣而乎大運。天迴地游。吹玉律而  
部人時。陽動陰靜。煙雲蕭索。而合彩日月。淑清而啓  
旦。豈直鳳巢阿閣。入軒后之圖書。魚躍中舟。稱武王  
之專業。旌旗則日月運行。鍾鼓則雷風相薄。道伊闕  
捷轅轅。怡然長望。邈乎周覽。壯靈山之雲雨。仍求載

古文奇賞

卷十五

七十

祀之經。對閑寢之丘墟。思秩無文之禮。于是降天渙  
命。司存因共舊跡。葺其新廟。詳費務議。工徒下隴。蜀  
之名材。致荆藍之寶玉。易者言乎悅使。民忘其勞。詩  
者歌乎子來。成之不日。東西轆轤。南北崢嶸。繡栢兮  
雲楣。光照耀兮奪目。桂棟兮蘭椽。氣氛氳兮襲人。皎  
日登于約疏。奔星下于闔闔。珠簾玳匣。上高閣而三  
休。金柱銀楹。出長廊而中宿。窮山海之瓌寶。盡人神  
之壯麗。豈止河庭貝闕。俯瞰馮夷之都。洛水瑤壇。奄  
臨處妃之館。爾其巖嶂重複。岡巒左右。青霞起而照  
天。白霧生而市地。餘基隱嶙。仍知萬歲之亭。古木摧

殘尚辨三花之樹。明公舊祀棟宇岩巖。仙女層臺。風  
煙爛熳。軒轅之訪大隗。先求牧馬之童。太一之徵少  
君。直下乘龍之使。日之吉靈之來。蜺爲旌兮翠爲蓋。  
雷爲車兮電爲策。鼓之以南箕。風嫋嫋而先路潤之  
以西畢。雨冥冥而灑道。華山之上。明星遠燭。陽臺之  
下。暮雨潛通。或瓊室以飛霞。或銀臺而薦樂。天孫忽  
降。斝停支石之機。神女相歡。卽起投壺之電。左侍右  
衛。則甲申之瓊石。乙巳之蘭蕭。妍倡妙妓。則憑悅之  
清歌。幽靈之鼓瑟。樂章旣闕。禮容斯備。迴風兮雲旗。  
入不言兮出不辭。荷衣兮蕙帶。倏而來兮忽而逝。惟

古文奇賞 卷十五

七十一

神享德降百福而無疆。惟嶽配天視三公而有典。

嵩山啓母廟碑

唐崔融

今江灘之開啓以辛

壬癸甲爲

嫁娶日助

塗山之期

亦可笑也

臣聞河淪越雋。有郡邑之爲魚。水陷歷陽。有吏人之化鼈。訪遺蹤于女峽。風雨蕭條。徵往事于姑泉。弦歌響亮。盈虛靡定。合散焉常。不知誰子。旣老氏之多惜。忽然爲人。寧賈生之足辯。臣謹按啓母廟者。蓋夏后啓之母也。漢避景帝諱。改啓之字曰開。厥後相傳。或爲開母。而顧野王輿地志。盧元明嵩高記。並不尋避諱之旨。以爲陽翟婦。人事不經。見諒無所取。粵若玉斗。璇璣李母之居。隣北極。金臺石室。王母之宅。在西山。氣爲母。則羣物以萌。月爲母。則容光必照。坤爲母。

古文奇賞 卷十五

七十二

則上下交泰。后爲母。則邦家有成。故華胥履跡。而雄氏孕。女登感神。而炎運作。星流華渚。而白帝生。月貫幽房。而黑精降。明明有夏。穆穆塗山。子娶于度土之辰。女婚于台桑之地。搜竒帝紀。識異歸藏。束生發蒙。而有迷。韓子稱賢。而不朽。漢臣之筆墨。泉海。陳其令名。秦相之一字千金。叙其嘉應。士歌南國。徒間候禹之詞。石破北方。終見生余之兆。則郭璞所謂陽城西啓母石。李彤所謂嵩山南啓母祠。隨巢之說。有徵鴻烈之言。無爽者矣。昔者鸞川之上。母變空桑。豚水之濱。男生破竹。美人之虹。名蟠蜥。仙婦之月。作蟾蜍。精

衡衡木而償寬。女尸化草而成嬪。山崩蜀道。臺候婦而無歸。石立武昌。亭望夫而不及。論乎誕載。群下莫尊于帝王。語乎遷易。凡百無聞于感致。美矣哉。不可得而稱也。大唐革去故鼎。取新與運。而生繼天而作。握乾元而造物。海內知春。關混沌而爲家域。中無外。海三年而無波。雲連月而不散。司祿益貴家國。于是乎有餘。司命益年。臣人于是乎不夭。明王三懼。未嘗遺戒慎之心。天子四隣。莫能展弼諧之用。家安其業。但聽于隣雞。人得其和。遂同于野鹿。表識記。秦河圖四十六事之著明。曷云尚也。登太山。禪梁甫。七十二

封之可識。何以加乎。夫三統者道之大。五行者生之宗。三皇法之而列。五帝則之而序。道以三典。德以五立。非天下之至聖。孰能兼于此乎。而猶雖休勿休。損之又損。下明詔發德音。尊天而重人。省方而巡狩。舉星畢。洩雲稍。召風。伯以清塵。命山靈有護野。馳洛邑。驚襄城。天迴而地游。雲合而霧沓。周穆王來遊太室。先徵夏啓之居。漢武帝有事嵩丘。卽訪姒開之石。從觀其丹青歲古。霜露年侵。聖情有瞻。典言吹葦其山。則古文之外方。其地則新邑之中土。銘壇邈迤。斜外玉女之臺。碑闕相望。近對石人之廟。金艸生而五色。

貝樹長而三花紫雲合沓于溪澗白霧氛氲于巖嶺  
考之易林信惟神明所伏求之遁甲固以威靈肅然  
夫其命有司乘務隙因高背下察隱嶙之餘基審日  
觀星揆摧殘之落構周官置臬郢匠揮斤異態神行  
全模化造紅葩奪日飛累榭于山間綺綴衝風架迴  
廊于木末仙人在棟神女臨牕周施玳瑁之椽徧覆  
瑠璃之瓦赤玉爲階甃黃金作門闕山如白岍樹似  
青溪蓋蘊藻于前庭藉生芻于後徑蘭香夾水居然  
洗沐之資竹肅臨風自隔囂塵之境夢臺雲雨宋玉  
對而先驚楚壁山川屈原書而幾倦壽宮幃兮不擾

古文奇賞 卷十五

七十四

象設安兮逾肅霜羅曳曳雲錦披披鴛鴦褥兮翡翠  
幃白羽扇兮青絲履垂玉鸞之佩若往而若還戴金  
雀之釵不長而不短其居處也暖曖昧昧陰閉陽開  
其被服也煌煌熒熒霞駁雲蔚鼎俎則麟胎鳳卵烝  
蕙燃莫餌膳則木蜜金膏玉醬瓊酒當是時也合五  
嶽訊九魁選太陰命玄闕馮夷鳴鼓女媧清歌左蒼  
龍兮吹篴右白虎兮絙瑟金真拂座玉女焚香肅肅  
習習天媛來風雨雰雰霏霏神姬下霜雪孔雀飛而  
儀鳳舞弄玉邀歡駟車合而羅綺陳智瓊陪宴麻姑  
服道變海水而來遊織婦希風填河津而下謁洛妃

一啓母生  
貴比姪續  
粉可愛

如此長文  
到底無一  
弱字弱句  
此黃鐘篇  
管者也

綽約江妃綽。玄女以明月爲珠。素女以積雲作髻。  
九天真母。八極夫人。畢集于茲矣。青霞衣兮翠雲裘。  
靈連蜷兮旣留。車迴風兮馬飛電。視倏忽兮無見。昔  
者濟陰山下。降堯母之精靈。湘川水曲。留舜妃之響  
像。壇壇或在。徒聞分福之名。棟宇不修。誰辨安歌之  
處。豈知夫三仙福地。百姓尊祠。挾王者之都畿。當聖  
人之順動。犧牲玉帛。可以洽氣和神。幼婦外孫。可以  
披文相質。虔奉綸旨。式陳壯觀。雖周人作詩。自得后  
妃之美。而魏臣獻賦。終慚神女之工。

古文音賞

卷十五

七十五

答王績之書

唐 杜之松

辱書知不降顧歎恨而已。僕幸恃故情庶迴高照起  
意康成道重。不許太守稱官。老萊家居。羞與諸侯爲  
友。延佇不獲如何。如何。奇跡獨全。幸甚。幸甚。敬思結  
廬人境。植杖山阿。林壑地之所豐。烟霞性之所適。蔭  
丹桂。藉白茅。濁酒一杯。清琴數弄。誠足樂也。此真高  
士。何謂狂生。僕憑藉國恩。濫尸貴部。官守有限。就學  
無因。延頸下風。我勞何極。前因行縣。寔欲祇尋誠恐  
燉煌。孝廉守琴書而不出。酒泉太守。列鍾鼓而空還。  
所以遲迴。遂攬輿也。僕雖不敏。頗識前言。道既知尊。  
古文音賞 卷十五 七十六

榮何足恃。豈不能正平公之坐敬。養亥唐屈文侯之  
膝。恭師子夏。雖齊桓德薄。五行無疑。雖夸故人一來  
何損。

唐中宗李和皇帝哀冊文

唐 徐彥伯

維景龍四年歲次庚戌六月辛巳朔二日壬午大行  
應天神龍皇帝崩于神龍殿旋殯于太極殿之西階  
粵 雲元年十一月二日乙酉將遷座于定陵禮也  
畫擯毀布。雕輻肅。鞠。縞。緋。霜。迴。丹。旂。雪。引。御。定。臺。之  
眇。默。背。天。閣。之。崇。峻。皇。帝。瞻。在。原。之。隆。響。感。聯。蓐。之  
洞。陰。禮。奠。收。今。泣。遺。跡。同。氣。訣。今。悲。聖。心。爰。命。下。臣。  
式。揚。鴻。懿。咨。睿。烈。于。金。牒。刻。明。猷。于。玉。字。其。詞。曰。  
少。典。之。子。重。華。之。孫。珠。聯。寶。系。海。浸。昌。源。鳳。鳥。鳴。圖。  
龍。蛟。守。門。于。鑠。皇。朕。赫。應。成。命。青。靄。南。浮。彤。雲。北。映。

古文奇賞 卷十五

七十七

掃。刷。中。寓。光。享。累。聖。欽。若。應。天。纘。成。前。慶。身。佩。星。斗。  
掌。提。曦。鏡。克。明。克。類。允。武。允。文。就。之。如。日。望。之。如。雲。  
聲。中。律。呂。辭。合。典。墳。道。懋。登。庸。榮。膺。繼。體。位。擁。青。陸。  
業。移。朱。邱。春。誦。夏。弦。冬。詩。秋。禮。復。子。明。辟。固。天。攸。啓。  
鵬。舉。提。象。鸞。飛。鑿。乾。蘿。圖。已。御。芝。璽。仍。傳。拱。默。當。宁。  
賡。歌。撫。弦。寺。親。更。睦。媯。德。通。籟。萬。寶。阜。成。四。門。光。闡。  
宵。衣。若。厲。道。風。猶。尼。野。接。翹。車。殿。橫。儒。席。留。連。縞。讌。  
婉。變。詞。容。潤。洽。泉。魚。思。周。卉。毳。鞬。譯。鶩。輪。要。荒。走。幣。  
削。觚。反。樸。寬。刑。薄。稅。俗。富。京。坻。人。忘。疵。厲。帝。圖。廣。運。  
天。意。難。誣。旂。旒。詳。籙。張。皇。瑞。符。仙。芝。抱。砌。神。芝。播。厨。

龜負緝檢。鱗銜斗樞。孝思罔極。宗庸克賽。親幸國陽。  
式陳昭配。翠輦容與。蜺幃曖曖。蒼壁森羅。明祇肅對。  
玄精備典。洪範盈疇。將竦華蓋。遙封岱丘。猷紫寅之。  
阨僻。追白雲之豫遊。時若慕于喪妣。道空在于委裘。  
嗚呼哀哉。惟幾在辰。枚卜違吉。仍几虛座。綴衣空室。  
景沘攝提。悲纏昱日。羣臣奉于末命。天下悲乎晏。出  
嗚呼哀哉。宗伯蒞典。同軌赴辰。龜謀人兆。犀羃移輶。  
唱苦挽于香掖。咽酸筵于曙旻。彤階晶晶兮露驚。月  
玉座微微兮花掩塵。嗚呼哀哉。列綺城之哀仗。引滋  
橋之度幘。朔颺急兮御道寒。愁日晦兮雲郊晚。駐石  
古文奇賞 卷十五 七十八

馬之新塗。下金天之舊坂。見疎杏之原長。覺深松之  
路遠。嗚呼哀哉。伊昔睿喆。先謀壽宮。倚那我后。復幸  
方中。委冠劔于泉安。保明靈于昊穹。山有移兮海有  
變。道無缺兮群無窮。嗚呼哀哉。

鳳翔出師紀聖功頌

唐楊 炎

由河金石  
之文惟重

與厚

河西平胡

頌血亂玄

黃塵雷瓦

屋是風雷

皆八陣彼

草木盡驚

兵

來鳩生政

絕無解豸

御頭騎野

絕若當殿

而立又曰

冥謂陛下

混沌謂君

日月

歐陽磨德

勝頌齊乾

元之宿疾

命坤元之

登表

維唐七葉姦臣大盜于二京皇帝龍鳴于河北觀兵

雍上建都發號以朝萬國心嚮天地志通幽昧淳精

四達大造玄成于是巢山駕海之群狼麤鳥章之君

不期而趨于闕下者四十有三萬元帥廣平王假太

尉光弼司徒子儀等稽首言曰臣聞天啓聖以俟時

聖感時而赴難意者河洛後怨後東征之期人靈駭

奔望西狩之禮天子方齊寶輅講金匱之書翌日霓

旌武賁大車之輪黃鉞靈鼉彤弓太阿荆韓楚魏之

廣七閩五獠之長金鼓百萬車徒九合大陣于東郊

古文奇賞 卷十五

七十九

皇帝建白麾以誓于軍曰維高祖歆于上天四宗重

光照臨下土百有五十祀至于聖皇總武之于戈備

文之法象蓂爾逆虜敢迷天紀盜我符璽黷我威靈

使四海之內兵革縱橫肝腦塗裂旻蒼降鑿錫命于

予俾纘夏已墜之功寬堯未刑之族于戲予匪玉帛

山河是愛惟蒼生災害是憂匪天命威力是憑惟人

心忠義是保咨爾張目成天羅植髮成干櫓布和成

將帥厲氣成風雲若作進退爾惟旗鼓若斷首尾爾

惟常蛇若戮鯨鯢爾惟于將若拯沈溺爾惟巨艦夏

有一旅之衆武有十人之暮志定金石信非盟誓爾

其念哉。是時天威動六合。兵氣連太白。乾坤爲之塊。  
輒河嶽爲之震蕩。彼狐鳴鑿齒之徒。不崇朝而聲反。  
于謳歌。形歸于蹈舞者。幾過半矣。故鄆村之師。以形  
勝。灞上之兒。以威逐。桃林之陣。以奇破。河洛之孽。以  
氣摧。帝乃開天牢。迴豹尾。陵顛氣。鎖挽槍。應龍秉鉞。  
玄女侍坐。乃考夏氏配天之義。備漢皇建武之典。雲  
鬢玉輅。山動地踊。降自西雍。幸于京師。萬姓前導。百  
靈爲衛。布德澤。望陵寢。悲黍稷之將離。覽城闕之爲  
墟。以雷雨洗川澤。以皇風清怨怒。以大賞議勤勞。以  
成。功告宗廟。以詳明去聾昧。以惠政哀困窮。清蹕而

古文奇賞 卷十五

八十

奉聖皇。稱觴以朝前殿。于是東國耆老。長安士庶。排  
御輅。入天庭。動千門。呼萬歲。烟雲下遶。林藪山迴。神  
靈頌于堂。精魄感于廟。王侯慶于國。父子洽于家。鍾  
石反于懸。壘俎陳于席。俾不思而降。不祭而歆。以元  
和感生淳古。于是宰臣聚而言曰。主上以神武清難。  
至德遂人。崇勛絕瑞。光照萬古。闢開日月。于今六年。  
百姓豈忘力于帝乎。人臣盍謝生于天乎。請相與鑿  
石于誓師之場。告成于得衆之地。斯王道之盛典。臣  
炎稽首。敢獻頌曰。天命帝兮蕩妖氛。交風雨兮會  
秦門。推聖德兮漫海外。五單于兮勇士會。鳥獸兮

家雲島。越浮山。泛青艸。徵羽騎。今列天營。啓金滕。今賜長纓。日爲車。今雷爲鼓。醢鯨鯢。今掃烟雨。開明堂。今饗文祖。帝爲皇。今后爲母。歌雲臺。今冊玉府。篆穹石。今駕終古。

唐贈范陽大都督忠烈公李公神道碑

秦霸也。張祿去魏。漢興也。淮陰離楚。龍鳴風雨之會。蛇變泥蟠之中。透迤感通。精氣相合。斯冥契也。豈人力也。皇唐贈司空范陽大都督李公諱楷。其本出于隴西。八代祖節。後魏雁門太守。燕齊之亂。族沒鮮卑。東遷號良將之家。北部實大人之種。其生渤海。其居

古文奇賞 卷十五

戴斗。海塞迴抱。典公之氣。天星下直。爲公之祥。英氣混茫。熊據龍驤。望其形。得山河之狀。覩其銳。見金鼓之威。神明爲徒。義勇爲器。久視中以驍騎。歲入于遼西。臨太原。雷震燕趙。雲火照于河上。天兵宿于北門。朝廷憂之。有命招諭。合以信誓。際于天人。語言感寤。撫劍歎息。是歲以控弦之士。七百騎垂櫜入塞。解甲來朝。以其本枝。復賜李氏。授玉鈐。衛將軍左奉宸內供奉。圖形雲閣之中。置酒蓬萊之上。君臣相賀。羽衛生光。君子曰。井谷不可以游。龜龍蟻垤不可以戴。松栢。漢于是始靖。虜于是始憂。是後。殪鞞鞞于鴨綠之

野覆林胡于榆關之外。北出障塞。懷其王庭。南救河源。復其死地。石壑之役。以一旅定三軍。冷陪之師。以虛聲破精勁。東風之歲。外將天軍。河湟未寧。西護監牧。雲摩鐵騎。山動地湧。右據清海。北登狼山。水泮則會師。風高則出塞。皇威振于四海。王化敷于無外。故得大命三錫。天馬輅駟。定國難者兩朝。拖侯服者四紀。會兵車者百勝。出帳下者千人。國有事。未嘗不勤勞。無私。可謂知禮于戲。天道曖昧。胡星未殞。以營平之年。不終大用。以伏波之病。再出窮荒。天寶元年五月二十日。自河源薨于懷遠縣之師次。春秋六十七。

古文音賞

卷十五

八十一

贈營府都督。明年詔葬于富平縣壇山原。韋公智之大寶神之異。門心和休剛。慮遠精徹。心平耳目之外。行乎變化之中。震呼戎獯。嘯吒風雲。貔虎之悍。以禮成百萬之強。以謀勝故鮮卑。因之以疲中國。天后取之以空大漠。于中宗開朔方之地。四百里。于睿宗食佐命之邑。三千戶。于玄宗則主禁衛。吞諸戎。東西南北。動罔不克。禦戎安邊。凡十命焉。祚于後也。負河圖以列四星。遇英主而當三桀。肅宗之功。復區宇。更爲桓文。今上之道。訓華夷。並爲召畢。乾元中。天子以公炳德丕赫。積仁流慶。大福再成。沒而不朽。乃命太常

退考功績謚曰忠烈贈司空范陽大都督夫人贈號  
韓國夫人于是建廟堂命宗紀室有山龍之服樂有  
鐘石之和。

大寶神

卷十五

行乎變

成百萬

北動罔不

動不女味

韓國夫人于吳數臚堂命宗號室武山龍之服樂木



07209



甲因之以疲中  
方之地四百里于睿宗命

于後也

于後也

肅宗之功復區宇更爲

